



31816/B

645 LA COUR (P. de) Dissertatio Physiologico-Mechanica inauguralis.
De Naturali Catameniorum Fluxu. (Dissertatio de Menstruis). 10s. 6d.


Leyden, J. and H. Verbeek, 1733

4to, unbound, engr. frontis. by Blokhyden, showing view of Library of Leyden
University and the Anatomical Theatre ; then the title, ded., and pp. 64.





Digitized by the Internet Archive
in 2019 with funding from
Wellcome Library

<https://archive.org/details/b30514307>



SPECIMEN INAUGURALE



J. x. m.
18

DISSERTATIO PHYSIOLOGICO-MECHANICA
INAUGURALIS.

DE

NATURALI
CATAMENIORUM
FLUXU.

QUAM

ANNUENTE DEO TER OPT. MAX.

Ex Auctoritate Magnifici Rectoris,

D. JOHANNIS ORTWINI WESTENBERGII,
J.U.D. ET JURIS CIVILIS ROMANI, AC HODIERNI, IN ACADEMIA
LUGDUNO-BATAVA, ANTECESSORIS ORDINARI;

NEC NON

Amplissimi SENATUS ACADEMICI Consensu,
& Nobilissimae FACULTATIS MEDICAE Decreto,
PRO GRADU DOCTORATUS,

Summisque in MEDICINA Honoribus ac
Privilegiis ritè & legitimè consequendis,

Eruditorum Examini submittit,

PHILIPPUS DE LA COUR, A. L. M. & PHIL. DOCT.
Anglus.

Ad diem 18. Augusti 1733. hora locoque solitis,



LUGDUNI BATAVORUM,
Apud JOH. & HERM. VERBEEK, 1733.

REVISTA DE MEDICINA E FARMACIA

ANNUÁRIO DE MEDICINA E FARMACIA

EDITADO POR DR. JOSE DE ALMEIDA

1900



1900

NOBILISSIMIS SPECTATISSIMISQUE
VIRIS

D. BERNHARDO SIEGFRIED ALBINO,

ANAT. ET CHIRURG. PROFESS. IN ACADEMIA LUGDUNO-BATAVA, VIRO EMUNCTISSIMÆ NARIS, ÆQUISSIMO RERUM ÆSTIMATORI, ANATOMICORUM OMNIUM DEXTERRIMO, CUJUS FAMAM IMMORTALITATI CONSECRATAM CORDATI ASSERVANT OMNES.

D. AARON CAPADOS,

DE OMNIBUS BENE MERITO, AMICO SUO INTEGERRIMO, NUNQUAM NON DEBITO OB BENIGNITATIS PLURIMUM IN SE CONFERTUM HONORE OMNIQUE AMORE ADCINERES USQUE COLENDO.

*Specimen hocce sequē totum
εὐχαριστίας χάριν eo, quo par
est, candore
lacrum facit*

PHILIPPUS DE LA COUR.

1	2	3	4	5	6
1	2	3	4	5	6
1	2	3	4	5	6

THE UNIVERSITY OF CHICAGO PRESS

3170 100 31711211

DISSERTATIO
 PHYSIOLOGICO MECHANICA,
 DE
 NATURALI
 CATAMENIORUM
 FLUXU.

§. I.

INter diros, qui humana vexant corpora, morbos, *fluxus* hicce *periodicus* vitiatus pessimus existimandus, functiones enim cum tot lædat, totque femineo & amabili sexui nefandos pariat dolores, ita ut tandem omnes fere, quibus feminæ cruciantur, morbos, à quodam *mensium* vitio ortum ducere affirmaverit *Hippocrates*: quorum ut assequamur fontes, ea quæ *mensēs* spectant adferre, quantumque pro virium tenuitate licet, lustrare, necessarium duxi, ne, sicut in primordio nostræ Artis nos periculum facere coacti sumus, haud ægrè ergò feratur, pauca de *menstruis* hic disserere, requisito ut

A

fun-

fungar, pro gradu, ad quem adspiro, ritè consequendo, munere: in quo si quid vestro assensu dignum, unica mihi hæc erit laus, quod attentus, dum Clarissimorum ex ore profluentem exspectarem doctrinam, ea, quæ pro viribus mihi comparare licuit, lucratus sim avideque in animum arripuerim.

§. 2. Sunt *menstrua* hæcce evacuationes sanguinis è pudendis emanantis periodicè celebratæ, quæ cum primam suam inchoant periodum, exanimem reddunt virginem, cruentum minimè exspectantem tale diluvium, metuit trepidatque incauta puella, & se in interioribus vulneratam ac fauciatam credit; confestim autem *periodico fluxu* peracto è medio ambagum eripitur virgo, se levatam cum perspicit, naturæque bono profluxisse sanguinem tenet. Nos ergo sola cruentatæ petit effusionis hæcce procella, cujus ortum, vestigia, & finem recto tramite lustrare conabimur, generalia, in his ne deficiamus, observata præmissuri.

§. 3. Stipulatum nullum, quo *menstrua* suas inchoant periodos, quovè eas terminent, observatur tempus: ita vero nostris in terris, ubi virgo ad secundum septenarium attingit, tum temporis, quando mammæ sororiant, plerumque erumpunt *menes*, septimoque jam fluere desinunt, hæc autem in variis differunt feminis respectu indolis, regionis, aliorumque¹.

§. 4. Nec minor in quantitate evacuati hujus sanguinis observatur varietas: in sanis attamen & ætatis florem adeptis vulgò ad uncias viginti assurgit mensura ab *Hippocrate* assignata², duæ nempe Heminae. Varietas autem hac in re observata temperiei, victus, ætatis, &c. rationem sequitur.

§. 5. Eadem in qualitate reperitur discrepantia: è sanis verumtamen, & mediæ ætatis, rubicundus floridusque, qualis ex arteria, natura, aut artis auxilio depromptus, quod & anti-

1. Paul. Æginet. lib. 3. cap. 60.

2. Hipp. L. 1. Sect. V. Μέτρια δ' ἐστὶ πᾶσι γυναικὶ χάριεν ἢ ὑγιάνη τὰ ἐπιμενῖα ἐλθόντα, ὅσον κοτύλαι δύο ἄντην.

tiquissimos non latuit ³: is autem sanguis adeo sæpe vitatur, ut veneni ad instar prodeat effectus, utpote in Asia, & Africa, regionibusque magis fervidis sanguis non adeo intimè evacuatur, quin in lacunis uteri & vaginæ moram faciat, ibique retentus aërem admittat, exindeque putredinem concipiat, ut notum per experimenta in omnibus nostris facta humoribus; huic præterea sordes undique confluentes se miscant, inde ergò facile cadaverosa, viris tam noxia, deducitur illa putrefactio. En cur vir sapientissimus, rerumque naturalium gnarus Moyses ⁴ Viros Medicè prohibuerat Judæas attingere feminas, *menstrualem fluxum* patientes: Hinc per balnea repurganda Mulier; antequam virum suum in venere amplecteretur. Non tantum Judæis proprium, at etiam ex Asia in Ægyptum & Græciam hoc dogma allatum, ibique tanquam sacrum excollebatur. Quod verò in se spectatus sanguis hic nec corruptus sit, veluti plerique somniavere, neque quid pravi occultè in eo hospitetur, data *hujus Fluxus* causa finali, meridiana luce clarius patebit. Non ideo videamur negare, quin sanguinis hujus qualitas valde differat ratione totius corporis habitus, & ætatis, prout integra massa. Juniores etenim tenuiorem sibi conficiunt sanguinem, talemque per *fluxum huncce* deponunt ⁵: Seniores vero crassior, crassiorque ex eis *menstrualis* effluit sanguis.

§. 6. Periodos animo diligenter ipsas expendendo, similem invenimus varietatem: sunt enim, quæ *menstruis* exonerantur bis in mense, quales salaciores ⁶. Sunt & quibus nec semel in mense redit periodus, quæ tamen frequentissimè singulis mensibus observatur, rara quanquam observata habentur,

3. L. c. ibidem. χαρείς ὃ αἷμα οἱ ἀπὸ ἰσραὴλ. ut & Aristot. de Hist. Anim. Lib. V. περὶ ὃ τὸν αὐτὸν χρόνον καὶ τοῖς θήλεσιν ἢ τε ἐπάροισι γίνεται τῶν μεσῶν, καὶ τὰ καταμείνια καλούμενα καταρρήγνυται. τῷ δὲ ἐστὶν αἷμα οἷον νέος-φακτον.

4. Levit. Cap. 15.

5. Hipp. Sect. IV. de locis in homine.

6. Dureto in Holler. 255.

antur, quibus à *menstruis* prorsus immunes memorantur feminæ.

§. 7. Similis in *mensium* duratione annotatur inconstantia 7. Feminis etenim gulæ indulgentibus, lauteque viventibus, *fluxus* per sex dies aut ultra protrahitur : In obefioribus è contra aut iis, quæ tenui victu aluntur, simulque exercitio multo vexantur, citius terminatur *fluxus*: Cæteris paribus trium dierum frequentissima est duratio. Traditis hucusque universalibus, ad partium anatomicam descriptionem progrediendum.

§. 8. Nobis muliebrium genitalium partium historiam tractare cum incumbat (ex eis etenim effluunt *menfes*) De Graaffi methodum utpote simplicissimam filo quasi ducti persequamur. Ad earum situm primum attendendum in muliere respectu Horizontis perpendicularem, dum cæteris in animalibus horizonti parallelus habeatur; externis verò, siquidem parum ad nostrum facientibus propositum, neglectis, internas fusiùs perpendamus partes: quarum nos primò vagina in contemplationem allicit, canalis oblongus in hypogastrio sub ossibus pubis situs, superius utero, inferius pudendis adnectitur, antè vesicam sibi appositam habet; in posteriori vero parte intestinum rectum vindicat sibi quàm arctissimè appositum & connexum. Longitudo ejus mirè variat, à sex usque in novem digitos transversos se extendit 8, Latitudo ferè qualis recti intestini, & etiam valdè in diversis differt, imò & in eadem femina variis temporibus; substantia ejus interna nervea est, & rugosa; externa membranosa, musculosa, qua penis in coitu blandè plecti queat: Integra tandem substantia rara valde, & laxa. In promptu sequuntur, quæ uterum spectant, cujus tam abstrusa fabrica, ususque tam varii simul & obscuri ansam antiquo præbuere proverbio: Uterum omnes comprehendere, à nemine tamen se comprehendi pati: Ab aliis animal vocatur alterum, in animali contentum. 9 Est uterus unicus, lusu licet natu-

ræ

7. Paul. Æginet. Lib 3. C 60.

8 De Graaff, Org. Mulier. Cap 7.

9. Plato in Timæo αἱ ὁρίζαι ζῶον ἐπιθυμητικόν ἐστὶ τῆς παιδοποιίας.

D E M E N S T R U I S.

ræ duplex aliquando observatus fuerit¹⁰: situs est in hypogastrio, seu abdominis inferiori parte, quæ pelvis dicitur. Cavitas infima mœnibus fortissimis ac tutissimis instructa, circumdataque, ideo, ut commodius sit antrum tutiorque recessus in matre ad originem & incrementum foetus. Cavitas hæc in feminis multò capacior, quam in Viris: Ossa enim hæc pelvi circumdata, latiora multò observantur in fæminis. ¹¹ In muliere tamen non gravida pauca sunt hanc implentia cavitatem: Est enim præcipuum ibi viscus uterus inter vesicam & intestinum rectum, tanquam inter duo pulvinaria, collocatus. Sed nec intestino recto neque vesicae ligatur, nisi parte sua, quæ collum dicitur, dum fundus, qui augeri ad fetus incrementum debet, omnino jacet liber. Figura ejus in non gravidis est pyriformis; in gravidis verò præ contentis mutatur, adeò ut quò altius gestationis tempus excurrat, eò plus ad figuram Sphæricam accedat. Si collum exciperes, magnitudo ejus parva valdè est: In Virgine imò vix unciam aut sesquiunciam ponderans ¹²: Hæc verumtamen variat ætatis etiam, temperamenti, & libidinis usus ratione; Undè non magis certa quædam assignanda, quam ventriculo magnitudo. Varietates autem qui noscere cupiat, adeat *De Graaff* ¹³. Crassities totius uteri nondum aperti duos transversos digitos æquat, circa ejus verò fundum aliquantis per plus pertuberat. Est uterus intus cavus, cujus capacitas rectius ut cognoscatur, in duplicem cum *De Graaff*, neglectis cæteris Anatomicorum divisionibus, distinguemus. Quarum una colli, altera ipsius uteri dicenda, illa oblonga & in extremitatibus magis quam medio coarctatur, ita ut nec stilum fere admittat tenuiorem, fluentibus vero *menstruis* valdè relaxatur, adeo ut longior penis per cervicem uteri in osculum introducatur, cujus rei Exemplum præbet *Riolanus* ¹⁴, quod &

Mor-

10. Hist. Regiæ Scient. Academ. Paris. Anni 1705.

11. Spiger. L. VIII. Tab. XVIII. Fig. xix.

12. De Graaff Org. Mul. cap. 8.

13. De Graaff Org. Mulier. cap. 8.

14. Anthropog. Lib. 2. Cap. 135.

Morgagni ex Cl. Valsalva ore se excepisse dicit ¹⁵. Altera uteri propria cavitas multo capacior, quamquam in non gravidis parva adeo sit, ut sæpè minorem amygdalam vix comprehendat ¹⁶; Figura ejus ad triangularem prope accedit ¹⁷, cujus longissimus angulus versus collum, breviores alii duo in fundo siti sunt, utrimque & tubis *Fallop.* exiguo (non nisi tumefactis veluti in æstu venereo, vel flatu extensis tubis ipsis videndo:) foramine perforantur, per quod pars seminis subtilior in tubos ascendit &c. Uteri substantia in non gravidis nec menses passis primo intuitu apparet membranacea, nervea, compacta & firma valdè, præsertim in superficie interna, ubi plus albicat, & ad collum ¹⁸. Est vero mollis, pulpofa, totaque vasis constans substantia, facilè extensilis, nec multum elastica. Spongiosa uteri fabrica extremis gestationis mensibus plus patet, dum ita porrectus præ contentis extenditur, & nec eo secius suam servat crassitiem, at si quid mutetur, crassities ejus de die in diem augetur, quod Phænomenon minimè capientes *Mauriceau* ¹⁹ nec *Dionis* ²⁰ uteri crassitiem in gravidis minorem, quam in non gravidis asserunt, sic & *Vesal.* & *Galen:* *Plater.* verò juxta ac *Bohnii* Auctoritates, & plurimorum principum virorum observationes, falsa eorum subvertitur sententia, non minus in his evincit caput de hac re integrum & peculiare à *van Deventer* conscriptum ²¹, imo & *Dionis* objectioni respondetur ²², qui dicit; eos deceptos, nam tunc placentam utero adhuc adhærere, quam simul pro uteri substantiâ tenuerunt: at in modo citata observatione placentam utero avulsam dicit Auctor. Nostram hac in re amplecti ex parte videtur *Clariss. Morgagni* sententiam ²³.

Sana

15. *Advers.* IV. p. 46.

16. *Ruyfch. Advers.* Dec. 3. pag. 16.

17. *Eust.* Tab. 14. Fig. 3. & 4.

18. *De Graaff. De Org. Mul.* Cap. 8.

19. *Traité de la maladie des Femmes grosses.*

20. *Chirurg.* ut & in *Lib. de arte Obstet.* Cap. de Sect. Cæsareâ.

21. *Operat. Chirurg.* Cap. VIII.

22. In *Act. Nat. Curios.* Vol. I. *Observat.* CLXXXIII.

23. *Advers.* IV. pag. 46.

Sana etiam ratio idem comprobatur, ut alias demonstrabimus : nam uterus sanguineis vasis tam dives cum sit, ut eis tantum constare ferè videatur, cumque tam copiosè sanguinem hoc viscus accipiat, & nutritioni & vitæ seu circulationi in foetu pernecessarium, vasa dum elongantur, turgida & tumida necessariò una redduntur ; id est, crassities uteri substantiæ augetur. Hanc vasorum absque ruptura extensionem, quinimo & auctam crassitiem fulciunt vasorum gyri uterinorum decursusque tortuosi. Quod vasculosus totus sit uterus ejus planè docet dissectio : Superficies etenim in gravidis nec interna amplius albescit, sed tota rubicunda, totque pervia foraminulis conspiciuntur, ad loca præsertim, quibus placenta utero adnexa erat, unde Lochiorum exitus : foraminula hæc nil præter sinus apertos & laxatos sunt ²⁴ : qui assiduo aut serosi sub forma succi, rorisve cujusdam humectantes uteri cavum, evomunt humores : ²⁵ idem hi sinus, laxatis quacunque de causa fibris constringentibus, serum crassius continuò in uteri cavum effundunt : inde fluor albus ²⁶. Has vias brachio levè in puerperis extinctis detegimus, ut ipse, demonstrante *Cl. nostro Professore Albino omnium in re Anatomicâ dexterrimo* ; nudis oculis vidi, aut ope Syphonis liquorem per Arterias hypogastricas aut spermaticas si coegeris, qui instar bullulæ aëreæ per uteri internam superficiem undique erumpit : idem obtinet, ubi per venas ingesseris juxta *Fanton*. ²⁷ Membranas uterus duas reverâ habet, unam externam alteram internam, illa communis dicta valida & crassa, à peritonæo originem ducens, mediante quâ uterus recto intestino vesicæ, ovariis, tubis *Fallopianis* ligamenti quatuor &c. annectitur. Propria uteri membrana internam ejus obambulat substantiam, perficitque internam ejus faciem : Hæc non à peritonæo ut prior exoritur, sed ab uteri internâ substan-

24. Morgagn. Advers. IV. p. 47.

25. Idem. Advers. IV. p. 49.

26. Id. ibidem.

27. Morgagni. Advers. IV. p. 48.

stantiâ, cui tam arctè accreta, ut vix distingui à minus peritis in re Anatomica possit. Hinc dubitandi quam maximè ansa prolata fuit, an non eadem structura locum hic obtineret ac in cute observatur, quod hæc nempe dicta membrana sit adunata omnium ultimorum vasculorum in finibus abscissorum congeries; hanc corroborat sententiam *Morgagni* ²⁸: cum etiam eadem sit internæ uteri superficiei structura quoad vasa absorbentia & exhalantia, ac reperitur ad externam nostri corporis superficiem, non est cur de hoc dubitemus. Haud magno ergò negotio enodatur, quî tot de crassitie surrexere lites, & numero tunicarum, quibus contextam hanc sentiebant membranam, plerique etenim cum *Galeno* duplicem eam asserunt, in pluresque alii pro arbitrio eam divisere.

In Fundo glabra admodum & polita reperitur, in collo verò scabra, rugosaque, multis conspicuis foraminulis perforatur, communicat tandem & continuatur vaginæ & tubarum *Fallop.* internæ membranæ. ²⁹

Media & tertia à *Verheyeno* substituitur membrana; musculoſa, quam deceptus ab aliis Anatomicis, nondum descriptam opinatur ³⁰: est crassâ valdè, fibrasque musculosas habens per longitudinem uteri excurrentes. Ortum ducunt à collo in fundum usque pergentes. Sub quibus altera fibrarum series, orbicularium nempe, collo circumposita est, Sphincteris fungentes munere, constringunt uteri collum. Earumque antagonistæ sunt hujus mediæ dictæ membranæ fibræ; Ipsarum etenim contractione uteri cervicis omne punctum, a quo oriuntur, retrò trahunt, versus fundum, sicque collum dilatant, has à *Malphigio* detectas fibras earumque usus notos affirmat *Morgagni* ³¹, & ipsum *De Graaf* eas cognovisse patet, nam ubi explicare rationem, quâ uterus ad pristinam se restituat magnitudinem, conatur, de eis mentionem facere coactus est, haud par-

28 Advers. IV. p. 47.

29 De Graaf. de Organ. Mul. Cap. VIII.

30. Verheyn. Tract. II. Cap. 25.

31. Advers. IV. pag. 39.

parvi ergò sunt momenti in viâ pro foetus exitu aperiendâ, simulque juvant foetus exclusionem, hanc quanquam actionem exercere, musculo rotundo novo *Ruyfch* 32 incumbat: cui perelegantes tribuit usus expertissimus ille Anatomicus, ei tandem foetum placentamque ab utero separandi soli assignat efficaciam, ut & expellendi vim, cui operi, salva tanti Viri pace, haud parum confert uteri musculosa substantia, eique conspirant muscoli decem abdominales, ut & totius corporis conamen, cautè verumtamen & prudenter modo laudatus Auctor 33 Obstetrices, ne vi placentam, cum primæ levi tractationi non subsequatur, avellere ab utero conentur, monet. Pauca hæc de Genitalibus foeminarum partibus generalia, quæ quam maxumè ad rem faciunt, ex industria tradidi, jam ad subtiliora festinandum.

§. 9 Vasa huc allata tam arteriosa, quam venosa numero fere infinita; Pars quorum major uterum percurrit; minor vaginam obambulat: Rami vero ab omni parte tam venarum, quam Arteriarum inter se per Anastomosin communicant.

Contorta, in gyros flexa, ubique totum uterum & vaginam obambulant, uteri quasi substantiæ molem constituentia maximam, à variis valdèque distinctis oriuntur scaturiginibus, cujus rei ratio, velut & de mirâ frequentique hic loci Anastomosi, eadem ac in celebri Historia proponitur: Circulatio nempe, pro foetus nutritione tam necessaria, æquabilis ut fervetur, ne parva ex causa deturbetur, obstructo v. g. vase quocunque, liberam ut sanguis eò versus fluens inveniat per vicinum vas viam.

Vasorum per uterum decursus tam mire tortuosi necessitas, ubi magnam semel concipimus extensionem quam patitur uterus gestationis tempore, planè liquebit. Vasa verò minoris valdè capacitatis fiunt, dum elongantur: latera enim ab omni puncto versus vasis axim admoventur, quæ si recto ductu per
ute-

32. Advers. Anat. Dec. III.

33. In Specim. ad Obstetr. monitum belgicè conscript.

uterum decurrissent, vasa necessariò, cum simul eodem tempore, ita humoribus plena, turgida sint, diffilirent: nisi prospectum à summi Creatoris prudentia tortuoso illo decursu; curva enim omnis linea inter eosdem limites, eo recta major, quo curvior. Quod si vasa hæc serpentinis ductibus, quos peragunt, triplo v. g. majora sint, quam recto ductu, si decurrissent, triplo magis evadet uteri corpus expansile absque capacitatis ejus imminutione.

Venis per genitalia disseminatis nullæ conceduntur valvulæ, quò fit, ut sanguis per eas adscendens specificè suæ gravitatis vi. deprimatur, nam valvulae sanguinem tantum retinent; arteriæ dum dilatari se patiuntur, id est, dum non renovant impulsu prægressæ molis, sive pressionem non continuant per vim subsequenti moli impressam, sursum in venas; is enim unicus est valvularum usus: retrò cadens ergò sanguis venas Lymphaticas obruet, & minimas, continuoque sanguis ibi retardabitur, & colligetur magnâ copiâ, inde per arterias ejusdem generis impediatur etiam circulatio.

§. 10. Uterus arterias ex triplici fonte accipit, ex spermaticis, hypogastricis, sive iliaticis internis, quibus tandem ramus ex Iliaca externa subjungitur, hic inguina petens in arcum sursum flexus e femoribus in pelvim protenditur. Harum & origines & decursus arteriarum, ipsius donec uteri ingrediantur substantiam, paucis perpendenda sunt. Aorta primum inferior in fæminis, ratione ad utriusque corpus habita, longè capacior, quàm in Viris naturæ instituto observatur, ideo ut uterus fovens, nutrimentumque in foetum remittens sanguine repleatur facilius. Maribus verò, quibus suis negotiis & ad vitæ comoda conducentibus vacandum est, major dato tempore separatur spirituum copia animalium.

In suo decursu deorsum plurimos dat ramos visceribus ibi positis majores & minores, ad digitum donec unius alteriusve distantiam, sub emulgentibus atrabiliaribusque, prodeat ex ipsa utrimque unus ramus arteriosus spermaticus dictus¹⁴, quæ spermaticæ arteriæ

riæ eodem, ac in Viris, modo per abdomen decurrunt, si, quod in Viris recto ferè ductu, exceperis; in fæminis vero contortæ admodum descendunt, sunt in iis, quam in Viris, nihilominus breviores: illicò enim pelvim & uterum intrant, at in Viris vasa spermatica in scrotum descendunt valde elongantur. Fæminarum iterum differunt spermatica vasa, & virorum, respectu insertionis: his enim Arteria in duos se findit ramos, quorum maximus in testis substantiam se diffundit, minor per Epididymis corpus excurrit: in illis verò longè aliud quid observatur, ad uterum etenim properat maximus hujus arteriæ ramus: ibique cum hypogastricis tam arctè conjungitur, ut nemo eorum terminos aut fines distinguere queat. Hoc non tantum in Uteri substantia, at etiam sub ejus membranâ exteriori fit, imò & antequam hanc membranam pervadunt, Arteria hypogastrica quippe ramos duos aut tres emittit cum spermaticis communicantes ³⁵: Arteria spermatica ipsa etiam propè testem seu ovarium in duos, tres, pluresve ramos dividitur, quorum maximus uterum ingrediens juxta, at paululum infra, Tubas *Fallop*: obambulat ejus partem versus fundum; minorum ramus unus testem seu ovarium petit, alter tubas *Fallop*.

Fons alter uterinorum vasorum sunt arteriæ hypogastricæ, vel Iliacæ internæ: confestim pelvim intrantes uterum petunt, cujus substantiam priusquam penetrent, etiam se in varios findunt ramos, quorum pauci spermaticis arteriis, ut modo animadvertimus, uterum adhuc non ingressis se jungunt; Reliqui, versus collum magis & vaginam uteri, parti inferiori se inferunt ³⁶. Tertius & ultimus fons est arteria Epigastrica ab Iliaca externâ, paulò antequam cruralis fiat, pullulans ³⁷, sursum per inguina tendens hæc arteria abdominalibus musculis dat ramos, aliusque excurrentes ramuli nonnulli juxta rectum musculum pergunt, variis Anastomosis cum vasis mammillaribus com-

mu-

35. Eust. Tab. XIII.

36. Idem ibid.

37. Idem ibid.

municantes ³⁸, cæteri epigastricorum ramuli, pelvim ingressi, genitales fæminarum partes obambulant. Quæ hic de arteriis tradidi, in venis locum habent, molesta ergò & futi is earum foret descriptio. Vias huc usque pertractavimus, quibus sanguis in uterum derivatur, tres nempe prædictos fontes, qui instante *fluxu menstruo* valdè tumescunt: Non enim necessarium, nec consentaneum, quod copia tam magna §. 4. in virginis utero tam miræ parvitatibus §. 8. recondatur.

§. 11. Vasa tandem omnis generis sedulo investigando reperta fuere in utero, Lymphatica, vermicularia, sinus, mucum secernentia superficiem internam lubricantem. Lymphatica ab arteriarum furculis ortum ducere, intermedia quandòque vésicula, sæpius verò deficiente, docuit *Nuck* ³⁹: Horum iterum contenti fluidi, respectu vasorum species, variè distinguuntur: vel enim flavum continent, vel pellucidum fluidum, hocque concrescens aut non concrescens ad ignem: Præter has diversitates intermediæ aliæ dantur innumeræ. Rubrum verò in naturali statu nunquam continent sanguinem, angusta nimis ad rubrum recipiendum cum sint: ex uno etenim globo rubro sex produci, juxta *Loewenhoeck*, feri flavi globuli queunt, ficque hac proportionem decrecendo, donec ad Lympham perlucidam non concrecentem ad ignem perveniamus. Intrat verumtamen sanguis ruber Lymphatica vasa, ubi sanguinis momentum ad auctum adeò fit, ut ea valdè dilatet.

Eis redundantem à nutritione Lympham, pro sanguinis & Chyli nova dilutione, competit vel in massam ipsam sanguineam, vel chyli communem cisternam, aut ductum transportare: contenti fluidi etiam portionem, ut earum lubricentur superficies, deponunt in cavitates. Lymphatica hæc in brutis dari jam dudum notum *De Graaff* ⁴⁰, aliisque. Unicus vero *Morgagni* ⁴¹ tantum in humano utero Lymphaticorum existentiam Orbi Medico ex vera & accurata observatione communicavit.

§. 12.

³⁸. Eust. Tab. 27. fig. 12. & Nuck. Adenogr. de Mamm.

³⁹. Adenogr. cap. 4.

⁴⁰. De Organ. Mulier. cap. 8. Nuck. Adenogr. cap. 7.

⁴¹. Advers. pag. 76.

§. 12. Vermicularia vasa *Ruyseh.* inventa continuationes sunt ab arteriarum extremis: decurrunt per internam uteri superficiem, vermium, unde eis nomen, reptatum simulantia ⁴². Subtilis ille Anatomicus eandem his vasis, ac alii glandulis, ubicunque in corpore tribuit facultatem, quas nutrimentum conficere pro foetus usu dicebant. Hoc autem ipsum faciunt absque glandulosi corporis ope vasa hæc: Primis enim duobus gestationis mensibus, cum vasa hæc suam servant adhuc formam & capacitatem, quo etiam tempore foetus his vasis naturalem & proprium accipit succum, non tam copioso indigens alimento, dein verò emissaria hæc adeo amplificantur, ut ipsum jam purum sanguinem admittant ⁴³, talemque placenta vasis dilatatis transmittant. Unde nunc foetus per easdem vias purum accipit pro nutrimento sanguinem, per quas mucum olim accipiebat. An verò vasa, objicietur forsan, apta sint ad humores ita mutandos? quæ illico ut removeatur difficultas, feminis in testibus, bilis in hepate, urinæ in renibus, confectionem perpendamus, hæc enim viscera nec minimum quid, docente arte injectoria, glandulosi habent, nisi per glandulas vasa ea fruentia dispositione velis, ut apta ad humores mutandos evadant, quæstioque tum de sermone erit; Hæc ipsa vasa vermicularia *Morgagni* ⁴⁴ sub *sinuum* nomine agnoscere videtur.

§. 13. In cervice ipsa interjecta rugis seu valvulis, quarum descriptio & usus apud *Morgagni* habentur ⁴⁵, ostiola locantur, liquidum lubricans evomentia ⁴⁶; ibique loci vesiculæ observantur, de quarum usu & natura tot diversa ferè, quot de eis mentionem fecere Auctores, traduntur: unicam tantum adferam *Morgagni* sententiam, hæc enim maximè nobis arridet: hic enim a se ⁴⁷ observatas subrotundas nunc plures, aliàs pauciores,

42. Ruyfch. Thes. II. Tab. VI. Fig. 6.

43. Ruyfch. Observ. An. Chirurg. X. Fig. 12.

44. Advers. IV. pag. 48.

45. Advers. I. pag. 12. & 14.

46. Heister. Compend. Anat. pag. 93.

47. Advers. I. pag. 44.

res, sæpe imo contenta, nisi exprimendo, non apparentes, intimæ cervicis tunicæ intertextas vesiculas refert, liquidum contentum reperit lentum semper, seu potius mucosum, ad flavum colorem non nihil vergens, inde eas ex glanduloso genere asseruit; cum glandularum ad instar recipiant, fecernant, mutant, & eo ductum fluidum, mutatumque in usus destinatos excernendum fervent, quorum præcipuus, ut ovum imprægnatum, utero jam partis musculolæ vi contractili clauso, à subeuntis aëris injuriis defendatur, quod maxime perficit mucus hic tenax concretusque in pastæ amylicæ speciem simul cum jugis membranosis, supra relatis, os ejus obturando; quod præcipue uterobus gestationis mensibus⁴⁸, ubi os uteri deducitur, mucus hicce glutinis ad instar interiora uteri ab aëris injuriis defendit.

§. 14. De Nervis nobis ultimò agendum, genitalia mulierum loca petentibus, his etenim consideratis, quam plurima alias irresolubilia exponuntur phænomena.

Quadruplicem agnoscunt hi originem, ex intercostalibus enim, lumbalibus, sacris, & tandem ischiatico germinant. Nervus intercostalis jure, propter mirabiles tot cum aliis potissimis communicationes, patheticus magnus dictus: per eundem canalem, quem Arteria Carotis interna calvariam dum intrat, subit. ab ἐγκέφαλῳ exit nervus hic, in suo per eum transitu, in duos se findit ramos, insulam formantes⁴⁹, Canale autem exeuntes in unum iterum coeunt truncum: hujus originem unicus tantum veram nobis depinxit *Eustachius*⁵⁰, à sexto scilicet nervorum pari: ubi e canali exit in cervice nudus supra capitis rectum musculum decurrit, dein costarum juxta radices, in thorace sub pleura, in abdomine sub peritonæo, pergit: toto hoc decursu ramorum ope spinalibus ubique nervis jungitur, indè corpora recentioribus *ganglia* dicta emergunt: per *ganglia* enim Veteres tam Græci, quam Romani morbidos nervorum nodos tene-

48. Morgagni advers. 1. Pag. 45.

49. Eustach. Tab. XII. Fig. 11.

50. loc. cit.

nebant ⁵¹. Hæc, de quibus agimus, ganglia naturalia & citra morbum *Fallopium* magna industria primum detexit, nomineque ob figuram olivariarum corporum insignivit: circa hæc plura quis discere cupiat, *Morgagni* adeat ⁵². Accipit, ad rem ut redeamus, nervus intercostalis nervulos ab octavo pari, vago dicto. Cum in transitu communicationes hæc indicaveram, unicum probè *Vieussens* subjungere institutum juvabit, is ex singulis gangliis nervulos animadvortens quamplurimos prodire, varia petentes viscera singula nominibus visceribus maximis respondentibus donavit, quale ganglion semilunare in abdomine sub diaphragmate situm, quod ramulos emittit nervulis exeuntibus è gangliis, primis lumbalibus se jungentes, simulque plexum renalem formantes, renes enim ut & glandulas atrabiles ejus petunt nervuli, ramulus etiam unus, alterve in spermatica immittitur vasa. Plexus hypogastricus dictus circa ultimam dorsalem vertebam se in duo findit ganglia, quorum nervuli Intestinum rectum ab omni parte amplectuntur, sic ramuli ad vesicam etiam & spermatica vasa hinc deferuntur, nervorum denique intercostalium utrinque trunci, ubi ad anteriorem partem ossis sacri perveniunt, in unum coeunt, sic in ossis sacri finem usque pergunt, ibi arcum inversum formantes, genitalibus præbent ramulos.

Nervorum plerumque spinalium triginta sunt paria, quorum lumbales nostro auxilium scopo adferunt: horum primi paris ramus anterior, & internus per musculum *psoam* transiens deorsum tendit, supra eum decurrit, ut & supra Iliacum musculum usque ad initium tendinis *Fallopium*, ubi se ramo hujus paris anteriori & externo committit, novus inde exfurgit nervus per longitudinem huius *Fallopium* dicti ligamenti, excurrentes usque ad foramen musculi obliqui externi, *annulum* nuncupatum, per quod exit, finditurque in varios ramos, pubem & genitalium utriusque sexus tegumenta ingredientem, dant etiam hi ramuli fibrillas & vasis spermaticis, & ligamentis rotundis.

Ner-

⁵¹. Celsus Lib VII. cap 6. *Æginet.* IV. 16. VI. 39.

⁵². Dissert. de Gangliis nervor.

Nervorum sacrorum plerumque sex numerantur paria; Majora quatuor per foramina magna hujus ossis anteriora exeunt, altera per foraminula, ab hujus ossis cum Coccyge commissura facta, hæc quanquam divisio quoad foraminum & nervorum numerum mirè variat: è majoribus quatuor, secundum & quartum par ramos dant utero tubisque *Fallopianis*, quatuor denique paria hæc majora se quinti & ultimi paris lumbalis trunco jungunt, illico ubi pelvim intrat, nervum Ischiaticum dictum conficientes, hic ubi è pelvi egressurus, partibus genitalibus & vicinis ramos dat, se ramulis ipsorum parium Sacrorum hæc eadem loca petentibus committentes.

§. 15. Phaenomena instante *fluxu* observata ut tradamus requirit nunc ordo:

- a. Ex consideratione Anatomicâ; vasorum uterinorum fontes tres, instante *menstruo fluxu*, extra naturalem statum extensi reperiuntur.
- b. Mammillaria vasa die uno aut altero ante *fluxum* tumescunt.
- c. Partium utero vicinarum æstus & dolor ad lumbos præsertim & coxas, aliquando etiam earundem inflammatio.
- d. Cephalalgia, appetitus remissio, nausea, vomitus, languor, aurium tinnitus, crurum lassitudo, aliaque multa hæmorrhagiam præfagientia.
- e. Expurgatis *menstruis* fæmina eundem tenet statum corporis, quo post prægressam periodum fruebatur, integroque inde hujus periodi decursu cæteras evacuationes assumtis non respondisse patet.

§. 16. Traditis jam *menstruorum* præcipuis phænomenis, non absque lucro de eis, quæ *fluxum* huncce augendi vim habeant, pauca addemus: nam eadem & primum *Menstruorum* fundamentum necessario jacuere: pendent hæc vel ab idiosyncrasia, vel à sex rebus non naturalibus, pro ut in sequentibus videbimus: sic temperamentum sanguineum, cuicunque sit fæminæ, ea majore quantitate expurgabitur; ut & corporis imbecillitas nimia cui sit, ea majore copia sanguinem emittit: Hepaticis, & Lienosis etiam plus *menstrua* fluunt, etiam & quibus con-

fue-

fuetae aliae familiares evacuationes cessant, quibus membrum amputatum fuerat, gulæ indulgentibus, otiosamque degentibus vitam, liberius *menstrua* fluunt, ut & ætatis florem adeptis: singula hæc abundantiam boni sanguinis; ejus verò attenuationem, ac perspirationem inhibitam denotant.

§. 17. Nos sequens utilis valde de eis, quæ maturius cient, diutiusve retardant *mensēs* (§. 6.) contemplatio allicit. Citius provocant febris, coitus, potatio largior, motus violentus, ut vomitus, sternutatio &c iracundia, passio hysterica, victus acris, Plantæ emmenagogæ, tandem solennis inhibita evacuatio.

Quæ *mensēs* retardant duplicia observantur, vel naturalia vel præternaturalia: Hæc noxam vel toti corpori inferunt, vel utero tantum; Illa nec universo corpori nec utero molestiam faciunt; qualia uteri gestatio *Hippoc.* ⁵³, Lactantibus defunt *menstrua*, ⁵⁴ Cantatricibus ⁵⁵, Saltatricibus ⁵⁶, nimis pinguibus supprimuntur etiam ferè *menstrua* ⁵⁷, mulieres imo calidioris temperaturæ, & fortioribus utentes exercitiis, & agrestes, parum aut nihil purgantur ⁵⁸, tales enim virili omnino fusco colore imbutæ sunt, corpore probè compacto, nervis robustis, pectore & humeris latioribus, voceque gravi. Graciliores, si ob diuturnam quandam ægritudinem attenuatæ ⁵⁹ exhaustæque humoribus, parcius per hunc *fluxum* amittunt sanguinem, quibus per Venæsect multum evacuatur sanguinis, aut per alia loca naturæ instituto, minuitur *fluxus menstrualis* ⁶⁰, ut & ubi quacunque de causa cæteræ augentur secretiones, ut sudor, alvi fluxus, urina, &c. ⁶¹ Saniæ copia alicubi prodiens,

ci

53. Natur. puer. i. 6.

54. Idem Morb. Mulier. i. 99.

55. Ætlii tet. IV. Serm. IV. Cap. LI.

56. Idem ibid.

57. Idem ibid.

58. Idem ibid.

59. Idem ibid.

60. Idem ibid.

61. Idem ibid.

ei etiam parcius fluit sanguis hujus *fluxus* ⁶².

Præternaturalia sunt iterum duplici avel *universalia* & in totum corpus agentia, vel *particularia* & uterum tantum spectantia. Horum numero locatur, uterus in latus protrusus, unde os ejus vaginæ non respondet ⁶³: sic etiam, quicquid os uteri obturet, sanguinique exitum neget, ut in nonnullis à principio pellicula circa collum aut os uteri adnascitur, quæ *imperforatæ* vocantur, nec guttam sanguinis demittunt, curari plerumque, quin pellicula illa perforetur aut rescindatur, nequeunt ⁶⁴, cujus rei in virgine *Ruyfch.* ⁶⁵ exemplum nobis tradit, quæ sæpissimè de hypochondrii ponderositate conquesta & intolerabili dolore, perforatione tandem liberata fuit. *Universalia*, qualia frigus immodicum, liberius ad ventrem & inferiora loca admissum, moestitia: sic & terror, quo per signa, veluti faciei pallorem paulò antea roseæ, extremorum frigefactionem, motum à peripheria fieri versus centrum cognoscimus. Victus incrassans, humorum tenacitas, cruditas, pituitave dicta, ut in scorbuticis, chronicis, & cachecticis, pharmaca adstringentia.

§. 18. Ubi primo *mensēs* à causis præternaturalibus supprimuntur, phænomena (§. 15.) augentur & ingravescent: hæc dein malorum sublequitur agmen, uteri inflammatio, aliquando etiam Gangræna, arteriarum pulsatio, dorfi & articulorum dolor, frigoris calorisque vicissitudo, venarum varices, tumores in cruribus præsertim, & pedibus, & hypochondriis, totius corporis gravitas, & imbecillitas, tormina, inflammationesque Ventris collicæ haud absimiles, flatus etiam & murmura, vomitus, ad præcordia anxietas, tussis, dyspnæa, asthma, tabes, cordis palpitatio, & syncope, in capite dolor acerrimus, ad synciput & occiput præcipuè, oculorum gravitas, apoplexia, pallor, fluor albus, passiones hystericæ, globus præsertim quasi in guttere sursum reptans, urina aliquando

⁶². Idem ibid.

⁶³. Actuar. Zachar. Lib 1. Cap 22.

⁶⁴. Ætii Tet. IV. Sermo. IV. Cap. LI.

⁶⁵. Observat 32.

do stillans, aliquando suppressa, alvus dura, sanguinis per aliena loca eruptio, & cætera morborum alibi exponenda caterva.

§. 19. Traditis jam sincera mente omnibus, quæ circa fabricam, ususque partium huic inservientium, imo & phænomena varia versantur: sermonem de causa *hujus fluxus* facere necessarium duxi, prælata cum exponere, quin prius causam stabiliamus, non valeamus, locumque in rerum natura habere adminiculis licet tenuibus demonstramus,

Parvum parva decent

In quibus si deficiam, vestra sagacitate B. L. supplebitis. Est causa (veluti in scholis loqui amant) quadruplex; nobis verò discutiendæ *efficiens* tantum & *finalis*. Hæc foetus nutritioni præcipuè dedicatur, quin etiam & corporis à superpondio levamini. Nos verò in contemplationem *efficiens* maximè allicit causa, quam ab omni ferè seculo, prout hominum mutabatur de cæteris naturalibus sententia, mutatam & innovatam accepimus; Dogmaticam præsertim post stabilitam classem & in triplicem divisam sectam, *Peripateticam* ab *Aristotele*, *Stoicam* a *Zenone Cyprio*, & *Epicuræam* cujus ipse dux *Epicurus*. hi se omnia comprehendere posse statuentes, disserrere de omnibus cœpère, nullis perstrincti limitibus, ad Naturæ leges nec sistentes, causas mente tantum existentes & fictas, dummodo probabiles, pro veris nobis tradidere, quod & maxime excultum post *Cartesium*, fallax cujus dogma nobis probabilem pro vera recipiendam causam inculcat, donec veram detegamus, hincque Veritas mutabilis subsequēbatur.

Ironica mirè sententia, sanæque menti quam maximè obstans.

Nobis verumtamen, quotquot sint, ante oculos ponere sententias, easque perscrutari incumbit, exindè veram stabilire sententiam, & legibus universalibus & nostri Oeconomiae corporis particularibus, relatisque phænomenis congruentem, ut queamus. Quatuor fuere capitales sententiæ, quæ dein in sectas varias divisæ fuere.

I. Veterum quidam *Lunæ* motus diversos pro vera causa assignavere.

II. Chymici eorum *fermenti fomitem* sibi fecère, & in corpo-

re statuere existentem omni. De hujus fermenti fede verò non convenientes, in duplicem sectam se subdividere; quarum una fermenti hujus fomitem in universali sanguinis massa æqualiter existentem asseruit: Altera eam peculiarem unicuique loco propriam affirmavit.

III. Nonnulli malleolo & incude sibi verba aut entia, aliis ignota, accudebant, quæ, in dextrum & sinistrum torquendo, omnibus respondere universaliter queunt.

IV. Tam inter Recentiores quam Veteres nonnullos *Plethoræ* pro vera *hujus fluxus* causa agnoscebatur, quorum magna pars solam *plethoræ* affirmant *menstruorum* causam esse, fusque deque partis fabricam habentes. Alii *plethoræ* particularem à partis fabrica pendentem veram causam dicunt. Plerique verò *plethoræ* & fabricam partis, & motus directionem in auxilium vocant.

Virtus est medium vitiorum & utrimque reductum.

§. 20. Eorum hypothesis examinanda primum occurrit, qui *Lunæ* motus assignare, ejusque diversa stadia *huic fluxui* vincula & limites volunt, eumque communem cum æstu maris habere causam affirmant, quos, cæterum hac in re Solis actionem prætereuntes, parvique pendentes tantum Luminare, magnopere fuisse deceptos, reperiemus, noctiluca tanquam suam commenti essent hypothesein, nam attentè si naturæ leges perspexissent, eadem ope Solis observassent, quoad æstum maris, quæ a *Lunæ* actione proflui asseriebant, minor licet inde agitatio ob immensam à nostro orbe distantiam, iisdem tamen & respectu diei lunaris & naturalis subjicitur legibus, ut & in Syzygiis elevationes ex amborum Luminarium actionibus pendent. Ad rem autem ipsam revertamur; hujus sententiæ confectatores, ut & principes *Galenus*⁶⁶ & *Aristoteles*⁶⁷ *Lunæ* cursibus respondere *fluxus* uterini periodum, adeoque & ad ejus imperium dirigi asseriebant: frivolum verò leveque hoc

ar-

⁶⁶. De dieb. decret. Cap. 2.

⁶⁷. Histor. Anim. Lib. VII. Cap. 2. Idem ad Generat. Anim. Lib. II. Cap. 4.

argumenti genus illicò subvertitur; admiffa enim causa hacce mulieres omnes ejusdem ætatis regionisque, eodemque tempore, iisdem vicibus *fluxu* suo periodico exonerarentur, quod minimè cum observationibus congruit circa *menstrua* captis, cunctis cum mensis temporibus unam alteramve *menstruis* expurgare quotidie observemus.

§. 21. Præ cæteris Vir excellens in Medicina, acutique ingenii *Helmont. Pater*, tot Medicinam scatere erroribus dolens, perspicuitate, qua præditus, principium statuit in humano corpore universale tam naturalium, quam præternaturalium Phænomenon fontem, *Archæum* dictum, animamvè sensitivam ei aliàs nuncupatum, hinc idem principium esse ac *Hippocrat.* impetum faciens deducit modo laudatus Auctor: dicit enim *Hippocrat.* omnem mutationem, motumque in morbum, mortem, & sanitatem efficienter produci ab illo impetum faciente, alias fatur *divinus senex* nos contentis continentibus impetumque faciente constare, alibique dicit naturas esse morborum medicatrices, per naturam nil præter trium prælatorum aggregatum concipit Vir insignis; non tamen magnus ille Vir definire, quid per *impetum faciens* volebat, ausus fuit, eivè limites præscribere, nec thorum in dato quovis viscere ei erexit. *Hippocrates* enim nullum Medicinæ contendebat indè emolumentum, nam cò, licet notum, humanæ pervenire non valent vires, ut quam minimum auxilium præstent: ut meram ergo veritatem sibi quasi à divina mente revelatam profatus est, qua ratione verò id *impetum faciens* in contenta & continentia agat, inter divina servatur arcana. *Helmont.* vero ineptè intra stomachi tunicas quasi injectum *Archæum* suum locat, sed nec stomachum, in se tantummodo vel à semetipso, hocce habere totius Reipubl. imperium dicit, accipit enim a splene fermentum illud, hinc ex ambobus connubium facit unum, & thorum unum, in quo spleni tribuit mariti vices primorum motuum; stomacho vero primi sensus, ideo splenem cum stomacho unicum conficere duumviratum statuit. & ad causas morborum, actionumque naturalium explicandas undique malè in roducit; circa ejus enim & situm & agendi rationem nos

omnia latent, præter quod legem universalem à summo Creatore inter corpus & impetum faciens sancitam sciamus. Cætera, quin pro lubitu multa fingamus, & ad nostram tantum quadrantia mentem postulemus, nobis nec nota, nec utilia in arte sunt.

§. 22. Alii præclari Viri fermentum statuere, quod ad eorum caput torquendo Prothei ad instar omnem sumit figuram, explicantque phænomena omnino opposita, sibi invicem contradicentes, hujus sententiæ confectatores, usque ab eorum primordio fuere: Nonnulli, fermenti fomitem in integra sanguinis massa dicentes: Alii fermentum unicuique visceri suum præbent peculiare: utraque vero sententia sales sanguini mistos fermentationem inchoantes admittit. Priores pro se adferunt, quod si fermentum peculiare unicuique fuisset visceri, phænomena (§. 15.) quibus universum corpus afficitur, locum non haberent: Posteriores dicunt, fermentum ubi universale per totam sanguinis massam diffusum proponitur, quod eadem subsequerentur ubique in corpore secretiones, cum verò singulis in visceribus peculiare sit, diversa prorsus fiat secretio, necessario unumquodque viscus suum proprium fermentum hospitatur. Cum autem omnis de fermento intra nostram machinam absurda, explosaque sit sententia, non diu in his hærebimus, paucis attamen eorum expendemus sententiam, erroremque propalabimus. Primum Chymicos ineptè actionem, quam concessam in nostra machina rogant, nomine *fermentationis* induisse patet, cum in ea nulla fermentationis signa dignoscuntur: cordati enim & optimi Chymici motum tantum intestinum in corporibus fermentationem vocant, quo hæc ita mutantur, ut liquor in destillatione inde vi ignis assurgens acris sit, aquæ missibilis, calidi aromatici saporis, in igne olei instar inflammabilis, tenuis, volatilis, vel etiam acidus ignem exstinguens & flammam, minus volatilis, tenuisque, motus hicce intestinus in tota massa simul, & in singulis ejus partibus, quamdiu fermentatur, adest, intestinusque vocatur ob motum ab intimis partibus maximè procedentem: descriptio hæc potius, quam definitio, omnes includit notas, fermentationi proprias: Qui verò in omni tali motu inte-

Intestino fermentationem adesse volunt, idem designant, perinde ac si mutationem dicerent, nam & aliae corporum mutationes sub eodem characterè communi, motu scil. intestino, observantur, veluti putrefactio, cujus effectus valde à fermentationis praelatis differunt: jure ergo mutatio hæc nomine sibi tantum proprio fruitur, dat enim pro effectu ultimo olea rancida, foetidos alcalinos, volatiles sales. Alia adhuc mutatio à corporum commistione duorum, motu etiam intestino producta, fermentationis tamen nec putrefactionis nomina meretur: earum cum characteres nullos possidet, producit enim, ubi ab alcalico cum acido commistione fit, pro ultimo effectu mites inodoros, sales mistos dictos, effervescentia duntaxat vocatur, humores nostri, ut sanguis ejusque serum, alcalicis misti nullam effervescentiam edunt, nec ubi ex vasis recens depromitur sanguis, digestus nec destillatus, quicquid præbet, quod si alcalicis miscueris effervescentiam quam minimam faciat, unde nec acidus, nec acescens minimum quid in nostris humoribus existit, ergo nulla in nostro corpore fermentatio inde perficitur.

Humor etiam noster è corpore recens eductus, acidis illico commistus, nullum effervescentiæ signum reddit, sed tam pacata quiescunt, ac si aqua lagenæ aquam continenti infunderetur. Hinc nec alcalicos esse humores nostros patet, serum imò sanguinis tam blandus est humor, ut si ejus gutta tepida aperto oculo instilletur, blandè fertur. Non ideo nego sanguinem nostrum esse alcaliscentem, cum progressus Chymici tale quid indicent: serum etenim sanguinis vitro excipiatur puro, alto, non clauso, calore septuaginta graduum foveatur, ibi stagnans serum omni hora tenuis evadet, saniosum tandem & omnino liquefactum apparet, ex inodoro sere foetit, ex insipido fracidam rancedinem concipit, alcalicum denique putridum fit, cum acidis effervescens, serumque tunc *digestum* vocatur, simul tamen patet, ad hanc humorum digestionem Chymicè dictam ejusdem stagnationem requiri, etiam & septuaginta caloris gradus, quorum nullum in nostro corpore reperitur; cum naturaliter nec stagnent humores, nec minus quam nonaginta duobus

duobus gradibus circiter fruuntur, ut per *Farenheitiana* patet thermometra.

Sanguinis iterum peracta id ignem ducentos gradus caloris exsuperantem destillatione, adscendet in Alembicum humor instar aquæ puræ vix odoratus, sapore fere nullo præditus cum nullo acido alcaliscentevè effervescent, massa verò superstes, in cucurbita dura valdè, nullam etiam acidi nec alcali notam habet, quam si retortæ vitreæ comitteres, & processum ejus inires, spiritus elicietur alcalinus oleosus, cujus rei exemplum reperis apud Clariss. *Boerhaave*⁶⁸ *Professorem meum dignissimum, Medicinæ alterum Institutorem*. Ex hoc processu triplo pluresque requiri caloris gradus, ad putrefactionem humoribus nostris inducendam, quam qui nobis concessi sunt, aut in nostro corpore generari à nimio calore queant: Mors enim illicò subsequitur calorem una decima parte naturalem nostrum calorem excedentem, hinc patet sanguinem, prout in nostro corpore existit, nec alcalicum nec acidum esse, eis etiam sanguis commistus cum non effervescat: nullum ideoque motum intestinum in sanguine suis vasis contento fieri, meridiana luce clarius patet.

Eorum sententiæ, qui in singulis visceribus suum *Peculiare* admittunt fermentum, obstat; quod post fermentationes tot peractas, indeque secretiones & evacuationes, fermenti copia ibi locata necessario exhauriretur, & continuis expendiis abripere-tur, aut saltem peturbaretur: redarguit denique secretionem ubi quamdam abolitam observamus, veluti purus cum secernitur in renibus sanguis, talisque urinæ vice excernitur, ibi dubio procul mutans humores fermentum deest, postea ergo renes ubi suo iterum funguntur munere, urinamque secernunt, undenam? a sanguinis nisi massa suppeditaretur fermentum istud; ipsi autem hujus sententiæ confectatores effervescentiæ fomitem in sanguinis massa existere negant; cito ergo fermentum hocce particulare periret.

§. 23. Quarta & ultima sententia fusius expendenda occurrit,

68. Oper. Chym. Part. II. inanim. proc. CXIX.

rit, cujus antequam subeamus divisiones, *Plethora* examinanda obvenit ipsa, quam optimi tam veterum quam recentiorum Medici sanguinis boni eam redundantiam definiunt, quæ functiones lædat: estque secundum Veterum divisionem duplex; ad vasa una, alteraque ad vires. Hanc Recentiores neglexere audaculi distinctionem, quasi inutilem: Practici verò omnium seculorum optimi eam, utpote necessariam ad felicem praxim, amplexi sunt.

Est itaque *Plethora ad vasa*, cum eorum majora sic suis implentur succis, ut tota inde corporis moles ferè tumescat, minoraque vasa in ultimo hujus plethoræ gradu comprimantur.

Ad Vires, ubi nec vasa nec moles corporis turgescit, plus tamen sanguinis in vasis coacervatur, quam à viribus imbecilibus regi aut subigi possit: Hujus distinctionis experti Practici tantum norunt utilitatem, analogicèque congruit cum duplici de ciborum copia & satietate consideratione. Primo, quatenus ab eorum nimia ingestione ventriculus revera supra modum distenditur; secundo, ubi ventriculus debilis minusve firmus parciores tantum ingestorum copiam subigere queat, unde quam parcissima ingesta eundem producant effectum, ac copioliora in prima consideratione: sic idem de vasis ratiocinandum, plethora ad vires in statu corporis languido erit, veluti ab accumulata diu Plethora ad vasa & non subducta: unde, ut supra diximus, minora vasa comprimuntur, qualia nervi; inde ergo lassitudo exoritur; vel à quacunque alia causa corpus imbecille faciente.

§. 24. Primum inde inter eos examinanda, qui *Plethoram* statuunt, acutissimi Viri *Sympson* sententia: is plethoram demonstrare particularem esse, in quibusdam scilicet vasis ab inæquali massæ sanguinis distributione productam, non verò in integra sanguinis massâ, conatur: quam à texturâ illius partis tantum, & fabrica vasorum respectu, concitari inæqualem sanguinis massæ distributionem, affirmat ⁶⁹. Hanc, ut patet, sen-

⁶⁹. Sympson. System. Uteri specimen anglice conscrip. cap. 3 art. 75.

sententiam idem subire fatum, ac Chymicorum hypothesin, evidenter liquet: In massa enim sanguinis cum non existat plethora singulis mensibus sanguis evacuatus ab ipsa massa deducitur: Hinc spatio triginta annorum mulieres nonaginta ad minimum libras de suo pondere miseræ amitterent, & adeo extenuarentur, ut corpus eo tempore nullum ferè haberent.

Prævalens tamen Auctoris dignitas, nonnullas suæ hypothesi ut examinemus propositiones, urget.

„ Corpus non pervenit ad ἀκμὴν sui, ex eo quod partes solidæ
 „ ita extensæ sint, ut amplius extendi nequeant, at imo ob de-
 „ fectum extendentis vis ⁷⁰. Primam hujus propositionis partem non video undè hauserit, secundam partem levem nilque valere inquirenti lucebit. Vis enim extendens eadem, imo major, in nobis ἀκμὴν adeptis, quam ante pubertatem plenam erat: Modus etiam agendi idem ac ante ἀκμὴν persistit, quod si objectum quoad vires idem permanisset, effectus indè exorti iidem perennarent, id est, crescere adhuc & augeri corpus pergeret: Objectum ergo, ubi ἀκμὴν adepti simus, mutatum necessariò erit, vasorum nempè elasticitas, & firma cohæsiò aucta valdè evadit. Vasa autem non esse diutius extensilia, nullo modo indè sequitur: Sed ita circulantis sanguinis vi ubi extenduntur, quod sua firma cohæsiòne & Elasticitate se restituant, sanguinemque propellant, quod in nobis viventibus per pulsus dignoscitur, vicissim celebrari: sic sanguis cuicunque visceri impellitur, ejus, ut dixi, extendit vasa, hæc verò se contrahentia propellunt sanguinem, seque remittunt: at si obstaculum in eis detur egressum sanguini negans; id est, ut vis ejus vim contrahentium vasorum excedat, necessario sanguine retento extensa permanebunt, tali verò in casu visceris incrementum cujuscunque post ἀκμὴν præternaturale erit, nec minimum ergo pro sua hypothesi ex hac propositione ejus, vel exemplo, deducere potest Auctor.

„ Pres-

70. Idem Cap. II. propos. 1.

„ *Pressio lateralis liquidorum in vasa minor est, ubi ad ἀκμὴν*
 „ *pervenerimus, id est, causa vasa distendens imbecillescit* 71.
 Hæc ironica multa & falsa continet. Primo supra demonstra-
 tum fuit, causam vasa extendentem, vim scilicet cordis, san-
 guinem in ipsa propellentem, non imminutam iri, at ita au-
 ctam esse. Cum ergo vasorum elasticitas adeo aucta sit, &
 magis distentioni resistent, seque illicò restituant majori cum
 vi in contenta liquida agendo, *reactioni vero actio cum sit æqua-*
lis, necessario & cum majori vi liquida in magis resistens ob-
 staculum, vasorum scil. latera, agent: undè nec imminuitur
 pressio lateralis, nec crescit corpus, cum momento post vasa pro-
 pria elasticitate se restituant.

„ *Eruptio mensium est vera causa, cur uterus ἀκμὴν sui adi-*
 „ *piscatur* 72.

Eruptionem mensium esse signum, quod Uterus ad ἀκμὴν
 sui pervenerat, concedo. Cum indicat integrum corpus ad idem
 stadium pervenisse, nihil est, quod uterus aliam sui incremen-
 ti stadii agnosceret causam, quam cæteræ corporis Partes, er-
 go neque in tempore, quo ad ἀκμὴν pervenit, diversitas datur.
 Suam verò propositionem ut comprobet Auctor, dicit; „ *Ute-*
 „ *rus crescebat adhuc usque ad mensium eruptionem, tunc tem-*
 „ *poris verò ad ἀκμὴν sui pervenit.* Nos etiam cum eo conve-
 nimus, uterus enim quoad incrementum iisdem subjicitur le-
 gibus (quod & ipse fatetur Clariss. Auctor 73) ac cæteræ cor-
 poris partes; sed integrum corpus, ubi *menstrua* fluunt, ad
 ἀκμὴν pervenit, unde & uterus: Cum hoc ergo universalis no-
 stræ machinæ œconomiae respondet, non est cur plura circa
 hoc adferamus, cum etiam aliàs mensium eruptionem osten-
 demus tanquam effectum corporis nostri, ἀκμὴν sui adepti, con-
 siderandam esse: non ergo eruptio mensium, tanquam causa ef-
 ficiens,

71. Cap. 2. Prop. 2. art. 24.

72. Cap. 2. Prop. 3. art. 26.

73. Cap. 2. Prop. IV. art. 28.

ficiens, limites adscribit uteri incremento, ita verò pro effectui integri corporis, sui *ἀκμῇ* adepti, habenda.

„ *Tardum, & æquale uteri incrementum, est causa mensium*
 „ *eruptionis: quod ut illustret Auctor, sic arguit, ex primo*
 „ *uteri origine viæ & ductus ab ejus arteriis in cavum existe-*
 „ *bant, quod ei necessario conceditur, nullum enim in corpo-*
 „ *re vas de novo gignitur, è contra quam plurima exsucca red-*
 „ *data vasorum munere diutius non funguntur. Pergit adhuc*
 „ *Auctor. „ Angustia, longitudo, anfractusque vasorum & si-*
 „ *nuum lateralium, erant causæ negantes sanguini in uteri cavum*
 „ *transitum: quod omnino negamus, sanguis enim hac ratio-*
 „ *ne has nunquam pertransfret vias; cædem cum jugiter perexi-*
 „ *stant causæ obstantes. Urgebit forsan Auctor. „ Uterus lento*
 „ *sed æquali pede cum increseat, eas gradatim aperiri vias, ubi*
 „ *ergò ad ἀκμῇ pervenit uterus, omninò apertæ & patentes*
 „ *recipiunt, æque ac Venæ, ab arteriis sanguinem (Auctor hic vi-*
 „ *detur uterum ἀκμῇ adeptum eruptionis causam admittere, con-*
 „ *tra quod supra cap. 2. propos. 3. art. 28. dixerat) „ et in uteri*
 „ *cavum defundunt.*

Hanc vero gradatim apertionem perfluentis sanguinis ope nulli adhuc apparuisse, nec expertissimo Anatomico, cuicumque affirmo: quis enim Anatomicorum uterum dissectando puellæ, duodecim circiter annos natæ adhuc non *menstruata*, usquam transfluentem per ductus aut vasa, nisi nutritioni & vitæ partis inservientia, reperit sanguinem, nec ductus hi aperti inspectione uteri apparent: Est enim ad interiorem superficiem, ob collapsos & exsuccos ductus, albescens uterus §. 8. parvusque valde l. c. collapsos referens foetus pulmones, hinc parvam deducitur sanguinis copiam eo tempore transfluxisse, quanta ad ejus nutritionem &c. necessaria erat, quod tam collapsæ molis contemplatione patet, ut & analogia incrementi respectu cum aliis visceribus docet; sanguis cæterum, lege circulatoria & ad nutriendam partem fluens per uterum, ejus in finis si ageret & aperiret, *fluxus* hicce perennis esset, fluereque nusquam desisteret, *menstruaque*, naturæ bono à Creatore instituta,

stituta, morbosa, & lethalia evaderent.

Ubi phænomena instante fluxu periodico aut suppressio explicare argutus Vir conatur, implicitis licet verbis universalem admittit plethoram. Sic enim ratiocinatur:

„ Sinuum instante fluxu periodico magna impletione & disten-
 „ sione, vasa arteriosa, & venosa majora eis interposita necessa-
 „ rio comprimuntur: hinc sistetur per uterum circulatio & im-
 „ pedietur, ea ideo sanguinis copia, per uterum olim circulans,
 „ per reliqua corporis vasa, vicina præcipue se diffundet, sicque
 „ integrum corpus, partes præsertim adjacentes, & quæ commercium
 „ habent cum vasis uterinis aut mamillaribus, plethoram pa-
 „ tientur. Ubi enim parti cuilibet sanguis negatur, cætera
 corporis vasa plus solito continebunt, plethoræque afficientur;
 veluti miles cum brachium amiserit, Venæsectio nisi periodi-
 cè instituatur, plethoricus evadit, redundantia vero hæc non
 ea de causa, quam affert Auctor, producit.

Sinus enim illi nusquam repleti aut sanguine turgentes, men-
 strua priusque fluxerant, reperti fuere, imo nec peracto fluxu
 periodico; non ideo nego eos perpauca transmittendum fe-
 rum continere, quo uteri cavum humectum fervetur, quod
 semper eodem modo & omni studio fit, ubi vero quacunque de
 causa copiosorem & crassorem admittant humorem, fibrarum
 veluti constringentium imminuta vi seu cohæsione, fluxus il-
 lico succedet diuturnus, quem *florem album* vocant ⁷⁴, inde fi-
 nus hos, ubi *menstrua* non fluunt, sanguine repletos mini-
 me esse, sanguinem vero per *menses* evacuandum in fontibus
 tribus uterinorum vasorum hospitari & in circumjacentibus vi-
 cinis vasis, patet (§. 8.)

Suam iterum ut stabiliat sententiam „ phænomena, instante
 „ aut suppresso fluxu periodico observata, majorem requirere ple-
 „ thoram dicit quam quæ a viginti unciarum redundantia produ-
 „ catur ⁷⁵: eadem phænomena deducere conatur ex superabun-
 dantis

⁷⁴ Morgagni Advers. IV. Animadver. XXVII.

⁷⁵ Sympson. Cap. 2. art. 38.

dantis sanguinis illa copia, quæ per uterum assiduo circulatur, hanc vero exiguam valde esse integer suadet uterus in virgine tam mire parvus, (§. 8.) non ergo ad summum quinque uncias æquat, ut candidus, ni fallor, *Sympson* fatebitur ipse: Unde mirum videtur, quod Clariss. Vir à minori copia seu vi effectus deducere conatur, quos in duplici majori copia vim producendi non videt.

Fatetur & ipse ⁷⁶, quod hæmorrhagiæ ad alia loca à suppressis *mensibus* eodem servant typos ac ipsa *menstrua*, ut hoc explicet subtilis ille Vir, has eruptiones affirmat non à particulari partium dispositione oriri, imo vero ab impetu quem sustinent, periodicè cum *mensēs* suum erumpendi conamen edunt: per hæc nescio quid sibi velit auctor; *mensēs* enim cum supprimuntur, uterus jam sanguinem non allicit, quem in alias partes impetu retropellere queat, nisi quantum ad circulationem per partem & ad ejus nutritionem requiritur, quod omni momento & assiduo fit, undè ergo impetus ille periodicus? nisi Auctor virtutem seu conamen *menstruandi* periodicum in corpore statuatur. Hac in re non parvi erit momenti *Ruyfch.* observatio, de puella nempe, quæ nusquam per uterum *menstruata* fuerat, periodicè tamen per singula capitis puncta sanguinem deponebat, in hoc ergo casu nulla congruunt, quæ de fabrica uteri fatur *Sympson*, cum non esset in illa puella talis fabrica. Optimum ideo consilium fumsit, propensus cum esset Auctor redundantiam seu plethoram in corpore prorsus existentem negare, conamen *menstruandi* dum instituerat.

„ Imminutionem momenti sanguinis simul & incrementum re-
 „ sistentiæ in solidis, vel eorum rigiditatem, esse suppressionis
 „ fluxus menstrualis in ultima ætate causam, fatetur ipse *Sym-*
 „ *son* ⁷⁷.

Hic videtur iterum, cum sententia de plethora coincidisse, momentum enim sanguinis velocitatis & quantitatis sequitur

ra-

⁷⁶. Cap. 2. Prop. VI art. 56.

⁷⁷. Cap. 2. Prop. VIII. art. 58.

rationem, nusquam enim ipse dixit Auctor momentum in utero auctum *mensēs* producens à velocitate pendere, imo verò, a distributione massæ integræ inæquali, majorem, quam quæ visceris moli respondeat, uterum versus dirigente quantitatem, cum ergo eadem permaneat causa, dirigens majorem sanguinis copiam integræ massæ respectu versus uterum, quam cæteras partes, nil refert, an minuatur integra massa an non; Uterus cum suam portionem ad *mensēs* ciendos recipiat: urgebit forsan Auctor, quanquam versus uterum major sit massæ distributio, non tamen sufficiens ad *mensēs* eliciendos, tum vero nobiscum pro plethorâ contendit, nam nos etiam sentimus, quod cum redundans in corpore sanguis non detur, sed tantum proportionalis copia & capacitati & numero vasorum respondens, versus uterum non deferri sat sanguinis, ut inde *mensēs* cientur, licet copiosius uterum versus ob structuram & situm fluat sanguis. Si ergo tunc minus resisteret uterus, sanguinemque, quem accipit, in suum cavum emoveret, fluerent *mensēs*, nam revera distributio inæqualis est & major versus uterum, tunc autem per *menstrua* e corpore eliminaretur sanguis ei perrequisitus cum non sit superabundantia in eo corpore, *mensēsque* salutarium loco morbidæ noxamque corpori inferentes essent. Genuinam hinc causam nos haud rimatos huc usque fuisse cuilibet in propatulo est.

§. 25. Libet ergo rem tentare. Eorum licet nunc subsequeretur sententia, qui plethoram partium neglecta fabrica pro causa admittunt duntaxat hujus *fluxus*, eorum vero, ubi semel phænomena *mensium* explicabimus, error patebit: Nostram ideo ut tradamus sententiam tantum superest; in his autem, vobis ne tædiosus sim, festinandum arbitror.

Primum ergo plethoræ explicandi effectus, analogicèque cum *mensium* phænomenis comparandi obveniunt.

A. *Vasorum arteriosorum dilatatio*: tam sanguiferorum, quam Lymphaticorum ob expandentis auctam copiam contenti, venæ iterum utriusque generis collabuntur extensis arteriis compressæ, sanguinis enim augetur tunc velocitas; unde arteriosum impletur systema, venosum dum suis orbatur succis,

cis, quod maximè cum Practicorum observationibus congruit; ut & *Bonetus* animadvertit, in acutis enim dicit aut quibuscumque morbis, ubi valdè motus circulatorius augeatur, semper arteriæ infartæ reperiuntur, Venæ vero collapsæ, & depletæ.

B. *Dolor*: est enim ea fibrarum, cerebro ortarum, extensarum conditio, qua in sui destructionem tendunt, seu continui solutionem, plethoram verò vasorum parietes similiter distendere, (Lit. A. hujus §.) observabamus: undè dolor sentitur, sic *Du Verney* observavit atroces capitis similes dolores plethoram subsequi, qui paulisper durantes felici naturæ consilio hæmorrhagiam ad nares faciunt, quæ si non subsequebatur, i. e. plethora si non evacuabatur, arteria inter cranium quædam perfrumpebatur, indeque inevitabilis Apoplexia.

C. *Mutata secretio*: nam vasa cum adeo extensa sint, alieno facilè infarciuntur humore, hincque ductus eorum secretorii extraneum accipiunt humorem, quamobrem secretio mutata subsequetur.

D. *Inflammationes*: ab arteriis nimis distentis, & alieno humore infartis, unde obstructions & impedita circulatio in iisdem, augeturque ideo velocitas per cætera vasa libera & non obstructa, cum per ea dato tempore major sanguinis copia transfluere debeat.

E. *Calor seu æstus partium*: quod illicò patet, cum in omni plethora momentum sanguinis augeatur, (hic enim de corpore sano, humoresque bonos habente, loquor:) momentum cum quantitatis & velocitatis proportionem sequatur, sed ubi momentum augetur, ibi & attritus molecularum sanguinis inter se & ad vasa increbescit; unde ergo calor augetur.

F. *Cephalalgia*: huic symptomati præ cæteris, observandum, obnoxias esse fæminas vitam agentes otiosam, in quibus facilius crescit plethora, caput enim simili casu facile invadit dolor, ubi cerebrum repositum pars omnium mollissima, vasisque sanguineis plurimum referta, parum valde humorum

impulsui resistentibus, amittunt enim fere tunicam muscularem arteriæ, ubi ἐγκέφαλον ingrediuntur, adeo saltem extenuata eorum tunica evadet, ut minus peritis non appareat, minimo ergo impetu cedunt illico hæc vasa, valdeque & facile extenduntur, unde ergo & dolor (Litt. B. hujus §.)

G *Appetitus remissio* etiam inter Plethoræ primarios effectus observatur, in omni etenim plethora secretiones turbantur (Litt. C. hujus §.) in fæminis præcipue ad viscera inferiora, eis cum aorta descendens major respectu utriusque corporis sit quam in viris (§. 9) hinc redundans in corpore humor parvo negotio versus viscera, ab aorta descendente sanguinem accipientia, transfertur, unde nervi per ventriculum excurrentes extensis nimis arteriis comprimuntur, tunica hinc musculosa perdit de sua elasticitate, sentiensque valde tunica interna villosa a nervorum compressione etiam obtunditur, emissarii que tenuissimi hujus tunicæ non accipiunt a tunica vasculosa suum humorem proprium, ut in cavum evomant: orbatur ergo primo ventriculus suo humore gastrico, intra ejus tunicæ villosæ rugas & plicas alias moram faciunte, tubulosque hujus tunicæ nerveos suscitante, ubi etiam tunica musculosa suam amittit elasticitatem, contritus inde famem excitans negatur rugarum tunicæ villosæ sibi invicem appositis superficiebus: his si addideris nervulorum in tunica, ut supra observavimus, villosa patentium aciem obtusam iri, causæ appetitus deleti illico patebunt.

H. *Nausea*: hoc phænomenon in fæminis maxime plethoricis præcipue observatur, est enim nausea motus spasmodici retrogradi fibrarum muscularium œsophagi, ventriculi & intestinorum simulque convulsiones validæ musculorum abdominalium, quamplurimasque sui agnoscit causas, motum nempe spirituum perturbatum, quod in plethora observatur ob comprimentes distentas arterias: in plethora ventriculi arteriæ etiam distentæ concipiuntur ut pancreatis & hepatis, adeo ut secretiones vitientur, unde & ingesta eo allata stagnantia cito putrescent, cum nec ventriculus in ea agere possit, hinc jam acrimoniam putridam in ventriculo habemus

E

mus

mus, quæ validissima nausæ causa tenetur.

I. *Eadem causa*, quam in nausea agnovimus, *vomitum* etiam creat, violentior tamen.

L. *Languor*: præcipue in otiosis &c. majorem accumulantis redundantiam, quam quæ uterina vasa tantum & vicina occupat, observatus est, universalis lassitudo, plethoræque inevitabilis comes: vasa enim omnia, cerebri maxime, valde cum extendantur, ad nervos aditus præcludunt, hinc minor in membra spirituum derivatur copia; a spirituum vero influxu agilitas & motus omnis pendet.

M. *Crurum lassitudo* eandem sui agnoscit causam, ac lassitudo universalis, facilius vero hic loci observata est, originem nervi enim crurales ab ossis sacri quatuor paribus majoribus & quinti ultimique lumbalis paris trunco assumunt (§. 14) extra pelvim Ischiaticus exiens nervus per vasa tunc temporis extensa valde & tumida differtur, per tres scilicet vasorum uterinorum fontes & vicinia &c. hinc compressionem necessario patietur magnam, liberque spirituum transfluxus impediatur, inde stupor subsequetur, veluti a compressionem fieri in gravidis & urinæ retentionem patientibus observatur nonnunquam,

N. *Aurium tinnitus*: Ubi redundantia magna coacervatur in corpore ἐγχεφάλλε contenta tanquam minus resistentia petens, illicoque hæmorrhagiam salutarem veluti per nares, seu lethalem & intra cranium productura, non infrequens est symptoma aurium tinnitus, denotat enim minima infarcta & extensa esse valde vasa, est enim arteriolarum membranæ tympani infarctio & obstructio; hincque in locum obstructum majore cum vi impingit sanguis, unde idem membranæ tympani respectu exoriretur effectus, ac si per aëris motum vibratorium percuteretur tympani membrana, &c.

O. *Hæmorrhagia* tandem plethoram subsequitur, sanguinis etenim momentum a majore redundantia augetur, nisi in corpore lentor aut visciditas humorum præexisteret, ipsæve plethorâ (ut in sequente Paragrapho videbimus) producat, major hinc dato tempore spirituum copia secernetur, unde
cre-

crebrior & validior cordis erit contractio, hinc velocitate magis adhuc assiduo augetur, majore etiam hinc cum impetu circulans sanguis aget in impedimenta, vasorum vero latera impedimentorum vice funguntur, sanguis ne extra canales urgeatur, hocque funguntur munere, viribus dum æqualibus vel majoribus, quam quibus circulans fruitur sanguis, ei resistunt, cum vero eousque sanguinis momentum increbuerat, ut impedimentorum vim superet, impedimenta nulla evadunt & adeo extendi queunt, ut vas minimum sanguinem accipiat purum, & per osculum ejus evomat, aut quod sanguis per extensas vasorum tunicas erumpat, utroque vero casu hæmorrhagia procuratur, hoc autem idem in *menstruis* observatur, cætera nempe præexistunt Phænomena, hæmorrhagia tandem corpus onere levat.

Cum ergo Plethoræ effectus hi sint sincera observata (§. 15.) instante *fluxu Periodico* Phænomena, Plethoram hinc pro eorum vera causa jure assignare licet, cum vero non eadem prorsus redundantia copia in singulis fæminis accumuletur, Phænomena hæc non æque in omnibus observantur, quæ enim veluti otiosam agentes vitam &c. majorem coacervant redundantiam, quam quæ loco minus resistente, qualis est uterus, ut in sequentibus videbimus, & quo versus necessario fluit sanguinis superabundantia, contineri queat, hæc eo tempore & per totum corpus redundantem sanguinem coacervabunt, ergo & Phænomenis (§. 15.) & Plethoræ effectibus, (hic relatis) afficientur.

Quæ vero parciorem accumulunt plethoram, & quæ facile descendens per aortam inferiorem uterinorum vasorum fontibus & vicinis vasis hospitari queat, tunc Phænomena, (§. 15. Litt. C.) effectus hic habiti (Litt. A. B. D. E. M. O.) tantum observantur &c.

Cum Phænomenon (§. 15. Litt. B.) datum prætermiseram, pauca hic disserere non absque proposito erit, his tandem colophonem ut addamus: *ubi mammas die uno aut altero ante vestigialis solutionem tumescere* animadverti. Hoc Phænomenon in maxime sanguineis assidue observatur, tunc etenim

temporis fontes tres vasorum uterinorum summopere extenſi conſiderantur, affiduò etiam adfluens humidum coget ipſorum vasorum contenta, ut diverticulum per communicantia vaſa & minus reſiſtentia ſibi faciant, vaſa vero communicantia ſunt mammillaria ab Epigaſtrico ramo orta §. 10. quod minus reſiſtentia ſint vaſa mammillaria illico patebit, dum ad memoriam revocamus conſtans Phænomenon in infantibus, quibus poſt triduum, ligato jam fune umbilicali, mammae lacte tumefcunt. Hujus phænomeni vera & primaria cauſa eſt plethora, nam clauſa vena umbilicali, ſanguis per eam in hepar directe non amplius fluit, unde ſanguis per venam cavam celerius movebitur, & ſic etiam obliquum canalem venoſum comprimet, ut in ligamentum concreſcat, ſimul & arteriæ umbilicales clauſæ brevi conſolidantur; hinc apparet tot vaſa momento antea continentia portionem maſſæ ſanguinis, nunc ſuo fluido orba, exſucca evadere, portio ſanguinis his vaſis olim contenta, per cætera corporis vaſa libera, ſed propriis ſuccis jam repleta diſtribuetur, unde plethorâ corpus tale laborabit, ſed quod mammae hacce redundantia maxime afficientur, hoc a vasorum mammillarium cum vaſis umbilicalibus propinquitate, cum arteriæ umbilicales ortum ſeu ab iliacis internis ſive ab aortæ extremitate ducant ⁷⁸, partim pendet, partimque quia mammae ſubſtantia ſua minus reſiſtunt, aliter uterus citius afficeretur hacce plethorâ, qui ſuum ſanguinem illico ab iliacis internis accipit: omnino ergo hæc duo congruunt Phænomena, hinc non eſt cur dubitemus, quin vaſa mammillaria ob connexionem cum epigaſtricis & minorem reſiſtentiam, inſtante fluxu, turgeant.

§. 27. Ubi plethora ſemel in corpore exiſtit, unica cognoscitur Medelæ ratio, illius ſuperabundantis humoris evacuatio artificialis ſive naturalis, non vero abſtinentiâ Medicamen ineundum, ut quam plurimi, præcipuè poſt *Sanctoriana* experimenta, quibus magnam perſpirationis copiam quotidie evacuatam edocti, ſentiebant, rubri humoris (ut cogito) redundantiam abſti-

78. Morgagni adverſ. IV. P. 85 86.

stinentiâ diminui volentes : Perspiratio enim non ab eis, quæ inter vasa majora fluunt, sed à tenuissimo elaborato humore producitur; hæc ergo secretio nil mediatè à sanguine rubro demit, unde nec præsentem tollit plethoram, hæc ipsa enim comminutio & attenuatio rubri sanguinis, ut indè continuetur perspiratio, tunc impeditur, si verò secretio hæc, ubi nulla adhuc existit Plethora, aucta semper, & magna ut exercitiorum ope fervetur, in illo corpore non facilè redundantia cumulabitur, nisi *ἰδιοσυγκρασία* & alia ea disponant.

Ubi indè naturalis vel artificialis redundantis hujus humoris subductio non celebratur, at plus ad plethoram assiduò apponitur, in primo instante (hic de corpore sano, bonisque repleto humoribus me loquentem intellige:) velocitas etiam augebitur §. 26. undè effectus subsequenter omnes, qui ab aucta copia & velocitate pendent, quales §. 15. & 26. tradidi, morbique seu effectus inde exorti genio partis, quam versus plus tendit sanguinis redundantia, respondent, veluti si caput versus apoplexiam, si uterum verò, ejus inflammationem, suppurationem, vel gangrænam &c. producit; quæ omnia, quo plus increbescit plethora, validiora evadunt, ut §. 18. habetur. Ubi vero plethora ad punctum summum pervenerit, jam mirè mutatur scena: sanguis etenim qualitate jam peccat, lentorque ei inducitur, nova inde morborum muliebrium exorietur Ilias, quales ex plethora, simul & circulationis defectu nascuntur ⁷⁹, similes sunt morbi in ultimo stadio *mensium* suppressionis observati. Urgebit forsitan quis, an lentor ab ipsa producatur plethora? res vero ita sese habere, inquirenti illico patebit: sanguinis enim copia cum eò usque increverat, ut ad quamcunque capacitatem distenta sint vasa, penitus nisi defiliant fibræ, unde universalis destructio & mors subsequeretur, contentis tamen spatium sat amplum liquidis non conceditur, nec vasis contineri possunt liquida, quin particulæ sibi invicem adeo incumbant, & applicentur, ut quadam cohæreant tenaci-

⁷⁹. Boerhaave Aphorism. 106.

citare & coalescant: cum ergo liquida undique & propriis suis particulis & vasorum lateribus comprimantur, subtilius hinc, tenuiusque, & aquosius è sanguine exprimitur, forasque cogitur per poros, interstitiave tunicarum ipsorum vasorum, remanens hinc crassius compactiusque evadit, lentoreque afficitur, nostram etiam corroborant sententiam, motuum in hoc ultimo Plethoræ stadio, ut Practici norunt, vires labefactæ, hujusque rei ratio clarè patet, vasa enim sanguinea adeo extensa, præsertim arteriosa vicina omnia comprimunt, hoc ergo præcipuè ad cerebrum fit, ubi arteriæ suam quasi deposuisse tunicam muscularem resistentem videntur, unde cerebrum, vicinaque omnia, utpote nervorum origines, comprimuntur, hi verò non tantum in cerebro, sed etiam in suo versus cor & cæteras partes itinere, à tunica communi vasis referta comprimuntur, ut & in ipsam cordis substantiam ubi ingressi sunt, fibræ indè cordis pauciores spirituum copiam accipient, unde & ejus motus minuetur & retardabitur, motus hinc ergo circulatorius etiam minuetur, unde hoc stadio jam nostri humores, & quantitate & qualitate, peccabunt; ex hac Plethoræ duplici consideratione in primo ejus stadio, ubi humores boni adhuc, quantitate & velocitate aucta peccant, in secundo vero ejus stadio, ubi quantitate & defectu circulationis peccant, lentor etiam produci-
tur: Morbi indèque omnes deduci queunt^{8o}, præcipuè hi, quales §. 18. describuntur; hinc ergo & *Plethoram* earum fuisse causam apparet.

§. 28 Corpori *Plethorico* velocitas si augeatur aut quantitas paululum, hæmorrhagia in eo festinatur, similia verò habentur §. 17. quæ momentum sanguinis augent, quæ etiam ibi dicuntur maturius *uterinam* ciere *hæmorrhagiam*.

Febris auget velocitatem, unde & si vasa contentis nimis extenderentur, *hæmorrhagia* facile subsequeretur, *Febris* vis, in his magna admodum, *Bobinii* Autoritate comprobatur, qui mulierem octogenariam memorat, cui ingruente febre *menstrua* supervenere.

Coi-

Coitus, hac actione uterina turgescunt vasa omnia ⁸¹: hinc & majorem impetum sustinent, sed & sanguinis præterea massa integra in *coitu* intentius rarefcit, quod & sedulus Naturæ Observator *Hippoc.* annotat ⁸², quod attenuet, calefaciatque simul *coitus*, cum in hac actione convulsionum à motu spirituum inordinato fiat species, patet: triplici vero modo proclivitas in hanc actionem producit, primo partium irritatione genitalium, secundo aucta nimis feminis sanguinisve copia, tertio tandem ob diuturnas venereas cogitationes; ubi verò unum ex his fit, facile sequitur & alterum ob legem inter mentem & corpus à summo Creatore sancitam, est autem & hæc mentis affectio grata valdè, hinc, prout in sequentibus, ubi de animi pathematibus, videbimus, motus in vitalibus maximè augetur: liquet ergo *coitum* primo ob auctam velocitatem maturius *mensēs* ciendi vim habere, sed & adhuc habita in *coitu* titillationis ratione, quam nervi tantum patiuntur, motus spirituum inordinatus exorietur, qui adeo deturbari titillatione queat, indè ut convulsionum species subsequatur, unde magni & violenti motus perficiuntur; cum vero titillatio hæc ad genitalia maximè fiat, nervi ibi siti magis afficiuntur, inordinatèque magis spiritus accipient, motus hinc ad genitalia majores erunt, atque sic & versus ea omnia facilius ruent, unde ergo duplici de causa motus circulatorius augetur, præcipuè ad genitalia, ubi vasa turgida apparent tunc omnia, quod *Ruyfch.* ⁸³ observatio corroborat: hæc autem simul *mensēs* necessario maturius elicient, quod & cum *Hipp.* ⁸⁴ Observatione congruit, qui *coitum mensēs* maturius ciere animadvertit.

Motus violentus, qui non tantum velocitatem auctam pro effectu habet, sed & rarefactionem auctamve sub eadem quantitate molem a calore majore productam, auctis enim motu & attritu intentior evadit calor, *Vomitus* &
Ster-

⁸¹. *Ruyfch. Thes. VI. N. 21.*

⁸². *De Diæt. 2. & 36. & Lib. de genit.*

⁸³. *Thes. 6. N. 21.*

⁸⁴. *Sect. VII. de genit.*

Sternutatio sub motus violentioris numero locari merentur.

Passio hysterica est tantum convulsio, unde magni & violenti motus, cujus effectus *Platerus*⁸⁵ nobis miros tradit, *Animi affectus*, quales *voluptas*, *ira*, *hilaritas*, &c. concitationes motibus corporeis in nostrâ machinâ producant motus; hi enim musculos voluntati obsequentes tantum movent, Animi verò affectus non à nostra pendentes voluntate exagitant, quales cordis partimque pulmonum motus, qui vitalium motibus spirituum obsequuntur; hi verò animi motus directiones, lege à summo Conditore inter corpus & mentem constituta, sequuntur: undè affectibus animi vitæ vires valdè augentur, quorum vero affectuum major, aut minor in his sit efficacia, *Santorius* Sectione 7 explicuit: irâ verò cor validius contrahi præcipuè observatur, increbescit enim pulsus, scintillant oculi, inardescunt genæ &c. Hinc Græci iram vocavêre brevem *Phrenitidem*, ut & Latini.

— *Ira furor brevis est.*

Evacuatio inhibita: hinc plethora adhuc augetur, unde & momentum sanguinis.

Plantæ Emmenagogæ omnes sale volatili constant, quo sanguis attenuatur, undè majus occupat spatium, majorem enim inferunt corpori motum stimulantés sales volatiles.

Vitus acris eisdem edit, ac plantæ Emmenagogæ, effectus &c. Hæc eadem, plethoram in corpore jam accumulata ad hæmorrhagiam quæ præcipitant; *vestigalis* solutionem festinare §. 17. annotavimus: liquet hinc & *Plethoram* fuisse hujus *fluxus* causam &c.

§. 19. Consideratione vero sequenti fusius liquebit *Plethoram* ante peractam evacuationem in corpore præexistisse, nam si animali cuivis periodica quædam celebratur sanguinis evacuatio, vel naturalis sive artificialis, eaque peracta idem rediret status, qui sub hujus periodi initio fuerat, id est, si animal eundem obtineat statum, quo in prægressæ evacuationis
fine

⁸⁵. Obs. vat. Medic. pag. 191.

sine fluebatur, ita ut nec minus nec magis ponderet, in eo redundantiam fuisse liquet periodorum intervallis accumulata, evacuatæque sub singulis periodis copiae respondentem, hoc autem annotatur, post hujus *vestigalis* solutionem (§. 15. Litt. E.). Hinc videmus copiam hancce per *menstrua* periodicè evacuatam ad periodorum intervalla renovare & accumulare de novo, hanc vero accumulata novam sanguinis copiam inter vasa plethoram in corpore produxisse, sive vasis, & corpori, in quo reconditur, non propriam esse; superfluam autem patebit, dum ad nonnullas, veluti salaces mulieres, intra triginta annos nonaginta aut plures libras boni sanguinis per hunc *fluxum* foras eliminantes, respicimus; si propria & necessaria corpori copia esset, non autem superflua, mulieres hoc de suo pondere amitterent, earumque corpora sic extenuarentur, ut nulla prorsus evaderent, tædiosamque morbis continuò afflictæ agerent vitam, quorum contraria quotidie observantur: jure ergo concludimus, huncce periodicè evacuatam sanguinem superfluum fuisse, & in corpore plethoram ante *fluxum* præexistisse.

§. 30. Cum plethoram ante *mensium* eruptionem in corpore præexistisse liquido demonstraverim, ipsius plethoræ causarum inquisitio subsequitur. Sunt ergo omnia multum laudabilis chyli & sanguinis boni conficientia, simulque horum attenuationem, consumptionem, perspirationem, impeditia, plethoram in corpore quæ accumulare juvant: eisdem vero maximè fæminæ gaudent, inde plethoram in eis necessario accumulari & causam hujus *fluxus* primariam esse liquebit: subsumptum ergo ut probemus, pauca præmittenda sunt.

A. *Maxima imbecillitas fæminis propria est,*

B. *Fæminæ sunt humidioris temperamenti.*

C. *Otiosam magis agunt fæminæ vitam.*

Quod fæminæ viris imbeciliores sint, Hippocrates jam dudum annotaverat ⁸⁶, hujusque imbecillitatis causam molliorem earum

rum

rum texturam vult, atque id ex pulsum consideratione patebit: pulsus enim in fœmina cum viri pulsu collatus languescere ferè videtur, annotante *Galeno* ⁸⁷, nostri vero corporis vires pulsu deteguntur, quo enim fortius increbescit, eo magis & vires augentur, pulsus cum validiorem debilioremve cordis contractionem indicet: ex hac sanguinis spirituumque in membra derivatio pendet, quæ vires majores aut minores conficit. Cum ergo sat comprobatum sit, fœminis imbecillitatem propriam esse, necessario exinde una ex Plethoræ causis subsequetur, inhibita scilicet perspiratio: observat enim *Sanctorius* vires imbecilles perspirationem impedire, ratioque fœmina idem suadere videtur, non enim attenuari sat nec præparari ob defectum virium potest materies ad perspirationem, cum vasorum actione indigeat opus hoc, secretiones præterea omnes cum *Bellini* velocitatis circulantium humorum sequuntur rationem, simul & vasorum secretoriorum, orificiorum; velocitas verò sanguinis cordis, arteriarumque, respondet viribus: Vires autem in fœminis minores ob imbecillitatem cum observentur, humoris etiam velocitas, quam in viris, minor erit: fœminæ iterum viris *delicatiores* sunt, earumque compagine subtilius contextæ; hinc vasorum in eis orificia minora, quam in viris videntur, unde ergo & secretiones parciores, perspiratio ergo præcipuè in fœminis inhibetur, pro ut observavit *Sanctorius*.

Ad secundum: Fœminas *pluribus constare liquidis*, quam viros, ipse jam *Hippocrat.* olim annotaverat ⁸⁸, quod & ex visu tactuque illicò patet, cum & mollioris laxiorisque habitus sint. Hinc fluidi redundantiam eis propriam deducit iterum *Hippocrates* ⁸⁹, hujus etiam ratiocinii veritatem attestatam juniorum corporibus videmus, hæc enim quo suæ origini propinquiora, eo molliora laxioraque sunt, quod summi
Crea-

⁸⁷ De Caus. puls. 3 & 2.

⁸⁸. Natur. puer. Sect. 6.

⁸⁹. Morb. Mulier. I. Sect. 2.

Creatoris prudentia sapienter prospexit, corporaque hæc sui molis ratione fluidis, quo minus à suo principio distant, magis abundare, incredibili industria detexit *Malpigh.* ⁹⁰: Eademque observata *Ruyfch.* ex Embryonibus, & foetibus humanis nobis tradidit, fæminas hinc *ἰδιοσυγκρασία* plus sanguinis in se hospitari, quam viros, liquet, unde & in eis alteram adesse Plethoræ causam videmus: ex hac etiam fæminarum *ἰδιοσυγκρασία* pendere, quod citius ad *ἀνμὴν* sui fæminæ, quam viri, perveniant, liquido patet, hoc & *Hippocrat.* observatum fuit ⁹¹: solidæ etenim partes nostræ ex fluidorum ultimis conflantur, cum eorum ergo in fæminis major sit copia, quam in viris, illis æquali tempore majus nutrimentum quam in viris, aut minori tempore æquale nutrimentum comparatur, quod & *Pitcarn.* ⁹²: fusius demonstrat: humidus etiam corporis habitus & fæminis peculiaris impedit liberam perspirationem, cum imbecillitatis sit etiam causa, prout supra animadvortimus.

C. *Vitam otiosam* domi actam, laboreque minus exercitatum, plethoram producere magnus *Hippocrat.* asserit ⁹³, qui naturam tantum contemplans veris ejus phænomenis nobis tradendis totus se dedit, maximèque cum veritate ipsum suum observatum congruit: otiosa enim vita tam parum sanguinis premuntur moleculæ, ut sufficienter attenuari, nec subigi ad perspirabilem inde eliciendam materiem, illicoque per cutaneos exhalandam poros, possint: intra vasa hinc illa fluidi copia, quæ cæterum per corporis spiracula deflueret, coacervatur, quod & *Sanctorii* repetitis suis experimentis corroborat ⁹⁴: *Exercitio* dicit corpora leviora fieri: addidit iterum modo laudatus Auctor, ⁹⁵ *perspirationem, ubi in sanis deficit, exercitio sarciri*: Huc usque
ullis

90. De ovo incub.

91. Morb. Mulier. 1. Sect. II.

92. Element. Med. Phys. Math. Cap. 3. Parag. 21.

93. De Gland. S. II.

94. Sect. V. Aphor. 9.

95. Sect. V. Aphor. 35.

ullis absque postulatis in fæminis plethoram creari ab ipsarum *ιδιοσυγκρασία* probatum est.

Retorquebit quis forsan argumentum, urgens fæminas non minus quam viros per spirare, planè cum observemus debilia laxaque, qualia fæminea corpora, in sudorem valde esse prona &c. illico autem, has ubi anatomice etiam statice ostendemus inter se valde secretiones dissidere, imo & sibi invicem obstare, subvertetur difficultas. Sunt enim sudoris sub dermide supraque pinguedinem organa sita ⁹⁶, five corpora sint cum *Malpig.* ⁹⁷ miliaria, glandulosa, seu tumentosa vasorum extremitatum patentium congeries sudorisque materiem evomentium ⁹⁸:

—— *Non nostrum inter vos tantas componere lites.*

Mihi verumtamen arridet sententia amborum in re Anatomica principum virorum inventis satisfaciens, quod nempe glandulæ miliares reperiantur, sintque sudoris vera organa, quod & tumentosa detur vasorum extremitatum abscissarum congeries sudorem etiam evomentium, quod tam nitide candidus & dexterrimus nostri seculi Anatomicus *Cl. Professor Albinus*, & *Promotor Meus* in suo collegio physiologico inter demonstrandum auditoribus inculcat.

Perspirationis vero, de quâ, organa epidermidis juxta squamulas sita sunt, ipsa etiam epidermis vasorum minimorum tantum congeries extremitatum coadunatarum pro theca omnibus inferviens est, a subincumbentibusque separabilis facile, quod maxime, pars ubi quæpiam corporis, putà aqua fervente, amburitur, patet.

Perspirationis etiam, ut ad rem revertamur, organa vasa constituentia admodum sunt parva nobis ut supputari nequeant, *Leeuwenhoek* tamen subtilitate, qua in his utebatur, unumquodque tale vas demonstrat, 125000 unius grani sabuli partem non æquare, eoque ei concessum sua detegere arte cum esset.

Quam

⁹⁶. Boerh. *Inst* Sect 424.

⁹⁷. De Organo tactus.

⁹⁸. *Ruyfch. Advers.* I. pag. 12.

Quam magnopere sudoris & perspirationis organa staticè inter se differant, unicus docuit *Sanctorii* 99, quo, observabat enim, sudor magis augebatur eo, perspiratio imminuebatur, resque sic sese habere sana evincit ratio: vasa enim sudorifera, vasorum respectu Perspirationi inservientium, oppido magna cum impleantur & extendantur valde, vasa etiam parva & tenuia perspirationi dedicata necessario compriment, sicque humori perspirabili transitus ut & exitus præcludetur: sudor enim in statu corporis sano auctus semper est a causa violenta 100, tunc autem perspiratio, in proportionem ad auctum sudorem, inhibetur aut minuitur ob causam supra allatam, sed de hac sudoris causa quæstio non movetur: alia in sudorem prona ob idiosyncrasiam observantur corpora, qualia sunt debilia & laxa: unde vero hoc? nisi ab eorum laxa mollique contextura proveniat, nec iugesta enim nec humida propria debilis viribus corporis sat elaborantur, ad perspirabilem inde eliciendam materiem; motus præterea in laxis corporibus ad capillaria minima fere interrumpitur, vasorum etiam vis elastica penitus sublata est, unde liquidis valde crassis motu solidorum torpente redditis, adytus ad capillaria minima seu vasa perspirationi inservientia negatur, propulsa ergo a centro in periphæriam fluida crassiora reddita patientiores & dilatabiliores egressura canales liquido constat, talia vero sunt sudorifera vasa, ut supra vidimus, cum valvulæ glandularum miliarium emissariorum cavæ 101 etiam laxatæ concipiantur, nec amplius coërcentes humores.

In laxis corporibus causam huc usque vidimus necessariam & veram copiosioris sudoris; inde duplicem inhibitæ perspirationis emanare etiam causam: 1^{am}. universalem debilitatem & laxitatem, inde enim inhibetur attenuatio, consumptio & perspiratio: 2^{am}. extensis & turgescitibus sudoriferis vasa perspirationi inservientia necessario comprimi, sed ubi ob habitum laxum & debilem corporis augetur sudoris secretio, dum perspiratio inhi-

99. Sect I. Aph. 12. 13. 23. 110.

100. Sanct Sect 5. Aph. 3.

101. Boerh. Inst. Parag 427.

inhibetur, in eo accumulabitur redundantia, perspiratio enim insensibilis cæteras omnes superat simul sumtas evacuationes¹⁰², in corporibus iterum laxis & debilibus minor derivatio sanguinis versus cerebrum, unde & minor spirituum secretio, ergo & circuitus & motus versus periphæriam minor, hinc patet quod minus evacuetur, sed id quod evacuetur ad periphæriarum omne cum per sudores foras eliminetur, efficit ut copiosior illa evadat evacuatio: assertum ergo clare patet, quod quamquam æque sint fæminæ in sudorem pronæ ac viri, tamen inhibita Perspiratio in eis generet plethoram.

§. 31. Cum ergo vidimus hucusque plethoram in fæmina creari, hæmorrhagiamque in ea periodicam absque noxa celebrari, sed e contra peracta hæmorrhagia omnia plethoræ symptomata, quæ ante *Vēstigalis* solutionem corpus vexabant, evanescere, Jure concludere licet evacuatam per *fluxum* huncce Plethoræ materiem iri.

Hoc autem, dum ad Plethoram producentia aspicimus, maxime corroboratur: quæ ubi indulgentur, aut magis prædominant, *uterinum* augent *fluxum*, qualia (§. 16.) descripta habentur. Quæ vero Plethoræ accumulationem minuunt aut impediunt, hanc ipsam hæmorrhagiam etiam minuunt *periodicam*, ut & nunquam non supprimunt. Similia memorantur §. 17. (*Eis quæ naturaliter fluxum periodicum imminuunt*).

§. 32. Plethoram veram hujus *fluxus* generalem esse causam jam agnovimus, sed & alia existit causa redundantem sanguinem huc illucve versus necessario determinans, hæcque peculiaris videtur, situm, structuram connexionemque partis respiciens, quæ in genitalibus omnia ad hæmorrhagiam concitandam requisita observantur: in fæminis humanis aorta inferior enim multo major reperta, quam in viris, cum sit, (§. 9.) in abdomineque tamen nullum majus, quam viri, recondunt viscus, fluidi copiam majorem hospitans, uterum necessario versus, ut patet, fertur sanguinis in eis redundantia.

Situs

102. Sanct. Sect. I. Aph. IV.

Situs dein Genitalium partium horizontis respectu perpendicularis est in fæminis humanis, hinc sanguis propria gravitate facilius in genitalia ruit, velocitas etiam fluidis intra descendendum acquisita, est ut quadrata altitudinis, altitudo vero est perpendicularis linea, quam aorta in suo descensu usque in genitalia describit.


Structura ipsius uteri non parum emolumenti adfert, nam in genitalibus cum nullæ dentur valvulæ (§. 9.) facilius ibi major sanguinis copia coacervabitur quam alibi in corpore, earum etenim ope sanguis adscendens per venas fulcitur, ne perfecta arteriarum contractione (i. e. ubi in diastole sunt & sanguinem in venas non immittunt) sanguis propria gravitate retrovergat, minoresque obruat venas & infarctet, unde motus retardatus foret, nullius enim usus valvulæ essent, motus circulantis sanguinis continuus si foret & absque intercapedine per arterias & venas.

Sanguinem jam magna cum velocitate versus genitalia tendere, lente vero valde per venas inde revehi cum animadvorterimus, cito & facile magnam ibi sanguinis coacervari copiam patet, his magnam genitalium vasorum debilitatem si conjungeres, ea *mensēs* ad evacuandos aptissima præ omnibus unusquisque illico dispiciet, quæ enim cæteris in locis robur vasis conciliant, hic defunt, vasa hæc laxè per uterum liberum in pelvi situm cum decurrant, nullas sibi circumpositas habentia partes solidas nec resistentes, impetumve fluidorum in vasa infringentes seu obtundentes, se levi negotio dilatari sinunt.

Vasa adhuc omnia filamentis tenuissimis albicantibus, proprio humore irroratis & madefactis, conflantur, exsiccata cæteroquin contractioni dilatationive rigida & inepta ne evadant, hæc ipsa filamenta copiosiore, quacunque de causa naturali vel insolita, si imbuantur succo, eorum laxabuntur partes, parique modo elasticitatem amittent, fluidis vero minus reluctabuntur, quod ad uterina potissimum, ut indicat laxa spongiosa uteri fabrica, (§. 11.) observatur vasa, hæc enim undiquaque diffusis lymphæ hujusmodi rivulis continuo stillantibus madent & laxantur: sunt ergo vasa uterina extensu facilia, & apta ad alienos hospitantes.

hospitandos humores, unde uterus, si quid redundans in corpore detur, ad id recipiendum aptissimus erit; ejus etiam vasorum decursus tortuosus (§. 9.) idem persuadet, quo enim circumvolutiora sunt eo & longiora, brevissima inter eosdem limites linea recta cum sit; quo vero longiora sint vasa & co majorem sanguinis copiam hospitari queunt.

Quod vasa etiam curvo admodum & quasi serpentino cursu per uterum varie fundantur, non parum ad vasorum horum distentionem conferant, mediante quâ sanguis minima ruber ingreditur vasa, & in uteri cavum deponitur, in sequentibus patebit: Fluidum enim, quod per tubum cylindricum movetur, non premit lateraliter, sepositis omnibus retardationis causis; movetur enim hoc fluidum eodem modo, ut illud quod ex foramine rotundo exit, quod non dispergitur sed cylindrum format, quo tubus repleri posset: si vero tubus sit curvus ut A. B. C. servat suam velocitatem in parte B. C., & non premit latera tubi, sed lateraliter premit inter A. & B. quam pressionem determinabimus.



Continuetur A. B. ad D., & fiat C. D. ad hanc perpendicularis; sit nunc B. C. velocitas fluidi in tubo, & resolvatur hic motus in duos per B. D. & D. C., fluidum dum inflectitur, ex priori motu per A. B. amittit & juxta primam directionem tantum servat velocitatem B. D., instauratur autem velocitas in tubo, velocitate laterali D. C., quæ integra nova est, cum motus hicce nil commune habeat cum primo motu, non conspirat neque contrarie agit. Fluidum igitur in B. patitur pressionem, qua velocitas D. C. generari potest, & datur pressio hæc ubique inter A. B., omne enim hoc fluidum resistentiam patitur.

Pressiones autem, quæ diversas generant velocitates, sunt in harum ratione duplicata; ideoque mutatâ inflectione manente velocitate in tubo, id est, mutato Angulo C. B. D. manente B. C.,

B. C., quadratum lineæ D. C., quæ est sinus inflectionis, sequitur pressionis rationem, pressio autem, qua fluidum in tubum velocitate B. C. intruditur, est ut quadratum hujus lineæ B. C. id est sinus totius.

Quando angulus DBC est rectus aut major recto, totum pristinum motu mamittit fluidum in B & novum acquirit, quare in hisce casibus pressio, quam tubus patitur inter A & B idem valet, ac illa, qua in tubum intruditur, quæ est ut quadratum sinus totius, hinc ergo plene liquet, vasa quo frequentius in gyros & serpentinos flexus deflectunt, quod & eo magis liquidum contentum in ea agat, ideo & dilatet, adeo ut minima vasa ruber ingrediatur sanguis.

§. 33. Non minoris videtur momenti decantata, an e venis arteriisve effluat sanguis hicce, controversia: cum vero venas in omni plethora ab extensis arteriis compressas collabi (§. 25. Litt. A) dictum sit, non verisimile videtur quod sanguis inde emanet, imo vero ab extensis valde arteriis, quod & hujus sanguinis color suadet (§. 5.) rubicundus & floridus, qualis ex arteria depromptus, quod & docent vasorum in uteri cavum patentia orificia, quæ gestationis tempore cum vasis in placenta junguntur, transmittuntque in usum foetus arteriosum sanguinem, non vero venosum (§. 12.) sunt enim hæc vasa vel *arteriosa lymphatica* (§. 11.) vel *vermicularia Ruysch.* (§. 12.) arteriis continuata, ut animadvortimus: hæc ipsa vasa in statu naturali succum seu rorem quemdam continuo evomentia uteri cavum lubricant & humidum servant, succus hicce foetui bimestri nutrimento conceditur, foetus dein ubi copiosiore jam indigeat alimento, hæc etiam emissaria jam amplificantur, purumque admittunt sanguinem, talem etiam placentæ in foetus usus transmittunt.

Dicta huc usque in hujus *vestigalis* solutione locum tenent, sanguinis enim redundantia uterum versus tendit, ejusque vasa mire extendit omnia (§. 32.) unde & hæc Emissaria veluti in fœmina gravida extenduntur; alienum ergo accipiunt humorem & in cavum evomunt, hinc plane liquet ad singularum periodorum initia cur sanguis ruber & purus non effluat, se-

rum vero ita, dein ad instar loturæ carnis, purus tandem cur effluat ruber sanguis

Quia in principio nempe vasa & emissaria tam parum dilatantur, ut paululum valde crassiorem aut spissiore[m] succum admittant, magis tandem dilatata vasa & emissaria purum accipiunt sanguinem & in uteri cavum deponunt: quod vasa & eorum emissaria adeo delatentur, ut purum accipiant & deponant sanguinem, inauditum non teneatur, nam quoties non observatur purus loco lotii secerni sanguis & excerni? hic vero similia dilatantur tantum emissaria *vermicularia* etiam *Ruyfch.* dicta.

§. 24. Non minus hominum movet studia, de *fluxus* hujus *scaturigine* primaria, inquisitio; an scilicet e vagina, an vero ex utero sanguis hifce manet

Suadet hac in re partium Anatomica inspectio ex utroque profluere sanguinem, vasa cum harum partium adeo mire inter se communicent: (§. 9.) Fatendum tamen majorem ex utero sanguinis fluere copiam, cum per uterum copiosius disseminantur vasa quam per vaginam (l. c.); res vero ita sese habere sequente elucebit argumento, ubi fæminæ nempe uterum gerentes *vestigal* solvunt, & sanguis ex utero profluit; abortus ob effusum & fluctuantem in utero sanguinem subsequitur, ubi vero gestationis tempore errumpunt *mensēs* absque subsequente abortu, jure sanguinem ex vagina profluxisse concludimus: hanc etiam corroborant sententiam principum viro- rum authoritates *Caroli Pisso*, *Cockburn*, *Bohni*, aliorumque, qui ex vagina *menstrua* se vidisse perrumpentia exclamant, imò & emunctæ naris viro *Morgagni* aqua circa hanc rem hæret: ex utroque hinc *mensēs* profluere jure deducam, copiosius quamquam ex utero; gravissima cum rationum momenta atque constantia firmataque summorum Atlantum experimenta pro nobis militent.

§. 35. Laboriosum valde & abstrusum de *periodis* subsequitur negotium, quarum causam & rationem nonnulli de *Catamenii* Scriptores, spem abjicientes unquam optatam circa hoc attingendi metam seu veritatem, inter divina reposuere arca- na. *Bellini* vero, qui aliorum excitatus laudibus humanæque
rei

reipublicæ bono sua nobis tradidit opera, extrusissima naturæque gremio abdita extricando palmam eripuit omnibus: inter reliqua non minoris momenti febrium intermittentium historiam & rationem, quæ nempe paroxysmus periodicè ad horam exactè redeat nobis transtulit, iisdem etiam *mensium* circa periodos auxiliis integrum fulcitur negotium. Primo observandum ergo vasa distentioni data vi resistere, hanc, etiam necesse erit, priusquam fluida vasorum latera a se invicem magis amovere queant, ut ipsorum fluidorum impetus superet, impetum vero fluidorum in vasa aucta sanguinis quantitas increbescit, datam ergo & stipulatam in vasis coarcervari sanguinis redundantiam certam liquet, antequam fluidorum impetu vasa extendantur.

Plethoram vero vasa extendentem non subito produci, sed quotidiani ita dispendii imminutione, assumptorum respectu, singulisque diebus eandem accumulari redundantem copiam liquet, causæ enim semper eadem existunt (dum ratio eadem in non naturalibus observatur) imminuentes perspirationem: his ita positis intra eosdem dies singulis periodis eadem accumulabitur superabundantis sanguinis copia, quæ, ut supra, viribus imbuta ad *hæmorrhagiam uterinam* producendam fit, eosdem hinc semper numerabit dies increscens plethora, priusquam copia requisita coacervetur ad vasorum desideratam distentionem producendam, quam scilicet *Hæmorrhagia* subsequatur: plane inde liquet *fluxum* huncce statis & definitis temporibus æque, ac anni tempestates, necessario redire, suam cum habeat causam primariam constantem etiam & necessariam, huic quamquam, veluti & anni tempestatibus, variæ superveniant a causis extraneis mutationes, a sex rebus puta non naturalibus, cum eorum etiam usus in singulis fæminis variet, aliaque sit temperies & structura; Non mirum quod periodorum intervalla differant, in nonnullis enim minor desideratur copia ad *hæmorrhagiam* ob uteri summam debilitatem producendam, in aliis major jam coacervatur redundantia intra idem temporis spatium, has denique extricare varietates qui cupit, argumentum Proteo mutabilius suscipit.

§. 36. Ariadneo tanquam filo hucusque ducti, intricatam uterini labyrinthi fabricam, non infido pede, procalcavimus, haud etiam infelicitè ex ejus contemplatione causas *mensibus* assignavimus: Poscit tamen argumentum, ut paucis adhuc phænomena expendamus in his observata.

Prius vero inquirendum, *Bruta fluxu hoc immunia cur evadant?*

In eis quia pressio illa perpendicularis & directio versus genitalia (§. 32.) non observatur, est enim in Brutis *puendum* horizontis respectu parallelum, hinc ergo, simiam si exciperes, (cum ab hominum moribus non distet valde, & erectum plerumque ad sidera tollat vultum,) Bruta *menstruorum* per genitalia evacuatione immunia evadunt, non ideo vero in ea sum hæresi, quod Bruta in eodem semper permaneant statu, ita ut evacuationes in eis assumptis exacte respondeant; quod nullomodo cum divina congrueret prudentia, eadem enim in Brutis ac in hominibus redundantiam coacervandi, quoad causam finalem, necessitas datur; hinc credibile valde in Brutis, nullo excepto, redundantiam humorum minore licet copia æque accumulari intra vasa, ac in hominibus, uterum vero versus illico non deferitur redundantia hæc, causarum determinantium defectu: fæminæ ergo, quia post pubertatis annos & ante senectutis ingressum possunt quocunque tempore concipere, ideo majorem coacervant redundantiam & causis redundantem sanguinem versus uterum determinantibus gaudent: Bruta vero statuta habent conceptionis tempora, quare necesse non est tantum sanguinem colligere nec semper versus uterum dirigere, ubi vero Bruta statutis temporibus veneris estro afficiuntur, tunc temporis nempe cum concipere queunt, genitalia veneris estro turgentia ad se humores alliciunt, ibi cum concitatiores spirituum fiant motus §. 28. *ubi de coitu* unde humorum eo versus determinatio subsequitur, sicque statutis temporibus Bruta *vestigal* etiam solvunt & præfatæ veritatis exempla non inaudita sunt, canes enim, quæ si arceantur a venero congressu, dum præ æstu libidinis pudenda tument, mox statim eructant non admodum coccineum sanguinem, canno subsidentes.

Sanguis vero cæteris temporibus, ubi hæc Bruta in venem non sunt prona, coacervatus redundans per loca convenientiora minus resistantia evacuatur: pro varia ergo specie diversa fit hæcce determinatio, in nonnullis præcipite cursu, in aliis frequentiore coitu, in quibusdam iterum per urinam copiosiore interdum turbidiore &c. in aliis nunquam non per abstinentionem naturæ præscriptam; evacuationes dum pergunt, foras eliminatur redundans fluidum, quod præsertim in canibus observatur: similes ergo patet periodicas sæpissime celebrari evacuationes, nobis tamen haud observandas: hanc nostram fovet sententiam *Sanct.* ¹⁰³: „ *Corpora enim virorum, dic*
„ *cit, sana & moderatissimo utentia victu singulis mensibus, u-*
„ *na alterave libra solito, ponderosiora fieri, & sub finem mensis*
„ *ad consuetum, facta prius per urinam copiosiore turbidiore-*
„ *ve crisi, redire pondus:* „ quod hæc autem non ita in viris sit familiaris ac in fæminis fluidorum accumulatio, non mirum; Plethora enim in robustioribus & athleticis corporibus non ita facile accumulatur, hi *humani Joves* non tam parvo negotio enim perspirationis imminutionem patiuntur, hæc verumtamen in viris fluidorum accumulatio non tantum *Sanctor.* observata fuit, innumeri enim alii principes viri de ea mentionem fecere, sic

Per Hæmorrhoides virum sanguinem periodice deposuisse, tradit *Amat. Lusitan* ¹⁰⁴.

In aliis periodicam hæmoptoen fuisse, exempla præbet *Salmuth* ¹⁰⁵:

In quibusdam sanguinem periodice evacuatum lotii vice, animadvortit idem *Salmuth* ¹⁰⁶.

Quo inhibito mictu sanguineo, virum in summam pectoris angustiam & spirandi difficultatem incidisse, paucisque dein die-

¹⁰³. Sect. I. Aph. 65.

¹⁰⁴. Lib 5 3.

¹⁰⁵. C 2 3. 18.

¹⁰⁶. C. 3. 47.

diebus suffocatum extinctum fuisse scribit. Hæc autem omnia folius plethoræ sunt symptomata.

§. 37 *Hæmorrhagiam* hanc suas inchoare periodos secundo septenario, septimoque eas terminare plerumque in nostris regionibus (§. 3) dicebam. quod sic intelligo: *mensēs* ante *ἀκμὴν* sui vel post decrementi initium fæminæ non patiuntur, causa vero peculiaris eadem fere cum existat (§. 24. *ad finem*) nobis tantum Plethoram non generari in fæminis ante *ἀκμὴν* nec post decrementum, quæ licet accumulatur, parvi tam erit momenti, ut hinc non subsequatur hæmorrhagia, illustrare incumbit.

Id enim superfluum ante *ἀκμὴν* in corporis augmentum impenditur, cum eadem ad hoc opus desideretur, quæ ad reficiendum deperditum, materies; unde non facile coacervabitur plethora, & si quæ, tam erit parva ut per auctas evacuationes foras eliminabitur, quod observatum a *Cockburn*¹⁰⁷ fuit: dicit enim juniorum corpuscula tenera pubescentia adhuc fibris tam mire flexilibus constare, ut pori eorum omnes facile pervii sint, hinc redundans in eis per auctam perspirationem evacuari, quod non sentio; prona verumtamen quod sint corpora illa valde in sudorem, ut testantur juniora & debiliora corpora; si quid ergo superfluum remaneat, quod in nutrimentum nec augmentum corporis impensum fuerat, per sudorem prompte egeritur.

§. 38. Sanguis ubi per vasa pellitur majora resistantiam a lateribus elasticis & conniventibus invenit, neglectis attritu, fluidi ipsius gravitate, vasisque directione, in latera ergo vasorum aget fluidum, eaque dum a se invicem amovebit, comprimet: vasa vero minora tunicas majorum constituentia eadem actione etiam comprimuntur, unde & suo orbantur fluido, tunicaeque majorum vasorum sic attenuatae compactiores redduntur; dum vero fluidum latera canalıs, per quem fluit, premit, ejus necessario latera juxta longitudinis axin producit, quo ergo

ergo fortius, & sæpius hic nixus repetitur; eo citius & magis elongantur vasa, i. e. crescimus, donec ad florem ætatis pervenerimus (§. 24. *Solut. ad 1^{ma} prop.*) eadem vero ipsa actione suis minora vasa spoliantur succis; majorum hinc parietes attenuatæ, compactiores, solidiores, vique elastica fortius præditæ evadunt; robur enim & vis elastica per cohaesionem elementorum auctam increbescunt, his vero fibræ cum confiantur tantum, eas intertexendo & jungendo singula elementa in unaquaque fibra cum singulis in alia elementis cohaerebunt: Sint v. gr. quatuor sic conjunctæ fibræ, tunc unumquodque elementum in singulis fibris cum quinque aliis cohaerebit, extrema si exciperes elementa, quæ quatuor cum tantum elementis cohaeret; quo ergo magis crescimus solida eò robustiora & duriora evadunt, hac vero ipsa actione vasa dum elongantur & elasticitate majore induuntur, necessario angustiora erunt. quod de sudoriferis pari ratione etiam affirmandum, hinc & minus secretionum per ea dispendium: cum ad pubertatem plenam perveniunt corpora nostra, coacervatum redundans ideo intra vasa plethoram eo stadio producet, sed & plenam ubi adepti sumus pubertatem, boni major ex laudabili chylo elaborabitur sanguinis copia confecto copiosiore ob viscera majora nec non robustiora reddita, est enim augmentum virium proportionale molis augmento ¹⁰⁸.
Causas huc usque plethoræ accumulationem impediētes (corpus enim diutius non crescit, sudorisque secretio imminuitur valde) ambas deletas iri post pubertatem plenam vidimus, dum vero assiduo major conficitur boni sanguinis copia plethoram adaugens, ex dictis patet puellas *vestigal* non solvere, quin datam attingant, qua eis parcior sit sudoris secretio, sanguinis vero boni confectio aucta, ætatem; hujus assertionis veritatem effluentis sanguinis copia, singulis *Mensium* periodis post primam eruptionem sensim in florem usque ætatis, aucta corroborat, i. e. solida dum obdurescunt majore induuntur elasticitate; tunc enim (ut per supra dicta patet) assiduo
major

major boni sanguinis conficitur copia, sudoris dum etiam imminuitur copia, ideoque patet integro illo temporis decursu maiorem accumulari plethoram.

§. 39. Declinante ad annos circiter quadraginta & novem corpore plerumque *menfes* fere subsistunt, a prima vero eruptione effluentis quemadmodum sanguinis copia in florem usque ætatis increfcebat, sic etiam vigilante suis operibus natura ab ætatis flore in ultimum usque stadium, quo fluere *Menses* sistunt, continuo minuitur copia, ætatis etenim flore vasa inter & contenta æquilibrium observatur, quo propulsa fluida vasorum queant amovere latera, ipsa dum vasa propria elasticitate se restituendi facultatem habeant, hæcque una ex causis est nostri corporis incremento limites adscribens, solida enim non sinunt se diutius elongari, ossa dum, quæ omnium sunt fulcimenta, assignant incremento limites, dura enim adeo evadunt, ut non sinant cætera solida amplius extendi: Ad rem vero ut accedamus, causa dum agere solida indurans pergit, plura minora vasa adhuc comprimuntur, exsucca redduntur & concrefcent, requisita ergo & necessaria pro æquilibrium conservando sanguinis copia minuitur, fibræ duriores jam factæ incipiunt & elasticitatem amittere, liquidis non adeo facile solida cedunt, hinc & minus in humores agunt vasa, unde quoad chyli confectionem iidem eduntur effectus, ac a debilitate producerentur, sic minor de die in diem boni sanguinis conficitur copia, sensim ergo Plethoræ duæ causæ minuuntur, contenta nempe fluidorum intra vasa copia minuitur, parciusque singulis diebus assimilatur sanguinis portio, fibræ vero eadem de causa duriores adhuc evadunt & rigidiores, sanguinis redundantiam continuò diminuentes, huic doctrinæ ratio in *vestigalis* solutione observata optime respondet.

Menstrua enim parcius semper ab ætatis flore etiam fluunt, ad ultimum stadium donec fæminæ *pervenerunt*, quo *vestigal* non diutius solvunt, vasa enim propria expellunt contenta, dum rigescunt, magnaue valde vi fluidis extendentibus resistunt, hinc corpus novis repleti succis ad plethoram producendam nequeunt: Hæc omnia maxime cum nostra sententia con-

ve-

veniunt, quod Plethora nempe sit causa generalis hujus fluxus naturalis, particularis vero partium situs structura & connexio, quod summi Hipp. verba corroborant, *Menstruæ purgationes si forte in provecta ætate fluxerint, non est absque discrimine.*

Si quæ vero in corpore rigida circa hoc tempus pars, uterus rigidus imo & calosus, toties cum repetitum passus sit auctum motum, evadet. Plethora hinc intra vasa licet accumulatur, adeo parvi erit momenti, quæ facile alia quacunque in corpore aucta evacuatione foras eliminetur, quod legi universali secretionum respondet, *ubi una minuitur secretio altera augetur*, quod magnus Hippocrates observat, *si frigore evacuatio quæcunque imminuitur, fluor alvi frequentissime subsequetur.*

§. 40. Maturius cietur tardiusve refluunt *Menses* ἰδιοσυγγε-
σῆας usque sex rerum non naturalium ratione (§. 3.) quorum ope puellæ citius tardiusve ad sui ἀκμὴν perveniunt (§. 38.)

Temperamentum biliosum paululum maturius ciet *menfes*, in hocce temperamento pulsus observatur magnus, corpus macilentum, in iracundiam & venerem proclivitas, omnia sanguinis abundantiam denotantia, ideoque temperamentum hoc vulgo nomine *sanguineum* rectius dicatur: quod enim major bilis secernatur copia, effectus tanquam immediate a sanguinis abundantia pendens considerandum est: *fæminæ* vero tali præditæ temperamento sui ἀκμὴν citius consequuntur (§. 30. b) hinc & citius ætatis florem adipiscuntur, quâ maturius decrescant necessario & rigiscent, (§. 39.) omniaque antevertentur.

Regionum paulo calidiorum incolis maturius *fluxus uterinus Periodicus* cietur, inde sanguinis enim producitur rarefactio, quæ eadem quoad ἀκμὴν antevertendam ac aucta copia producit, moles enim cum augeatur, vasa citius & magis elongantur, minoraque dum exsucca redduntur, omnia etiam hac ratione antevertentur, in Borealibus regionibus contrarium quid & oppositum observatum omni ævo fuit.

Sic enim fatur *Divinus Senex* 109: *In urbibus ad ventos frigidos*

109. Hipp. de Aëre. 7.

gidos fitis virgines tardius pubescunt.

Victus acris: fluida enim rarefacit simul & suo stimulo motum corpori auctum inducit, fluidorum hinc & velocitas & moles augetur major, ideo ad vasorum erit latera pressio, citius ergo elongabuntur & exsucca reddentur.

Quæ vero mulieres huic opposito fruuntur temperamento, quales obeces, Boreales incolentes regiones, victu tenui utentes, citius periodos suas conficiunt, maturius licet *Vestigal* non solverant, earum enim habitus sanguinis scilicet defectum denotat: similes ad trigessimum quintum annum fæminas huic fluxui periodico posuisse finem narrat *Forrest*. 11^o & absque noxa, cum redundans in corpore nullum detur: hujusmodi exempla ex practicis plurima sparsim colligenda sunt.

COROLLARIUM.

Hinc, junioribus ea in sex rerum non naturalium usum adhibere, liquet, quam nocivum sit, quæ conciliant corpori tenello naturæ instituto flexili valde robur nec proprium nec utile, naturæ dum consilia pessundant, anteverunt enim stadia etiam omnia, similia sunt exercitia athletica, exsiccantia, calefacientia pro victu, condimenta putà, Principum aulis tanti habita: hinc etiam longævus non esse eos patet, qui cito nimis ad sui ἀκμὴν perveniunt, nam eo citius & decrementum & mortem consecuti sunt senilem.

§. 41. Hujus fluxus Periodici protrahitur duratio, corripiturve ἰδιοσυγκρασία, usuque sex rerum non naturalium, ea, ut in pauca conferam, quæ augent Plethoram redundantiaæve majori in fæminis materiem suppeditant, fluxus protrahent durationem, hæc evacuandæ cum copiae necessario respondeat, similia vero (§. 16) traduntur & copiam sanguinis per uterum evacuant augentia, hincque fluxus durationem protrahentia, eadem ergo

ergo & Plethoram majorem in corpore coacervare demonstrare adhuc nobis incumbit.

Temperamentum sanguineum: quod & Galenus¹¹¹ observavit, cuicumque sit fæminæ, in sextum usque diem nunquam non protrahitur *fluxus* hujus duratio, Plethorico enim jam ipsa fruitur corporis habitu.

Corporis imbecillitas etiam *fluxus* durationem protrahit & evacuandi sanguinis copiam auget, cum perspirationis inhibitiæ constans comes sit (§. 30. lit. a) hincque majorem accumulandi plethoram causa (§. 30.)

Hepaticis & lienosis plus etiam fluunt *menses* & duratio protrahitur: sanguis enim, his visceribus alias contentus, necessario cæteras petet partes, sicque vasorum respectu continentium plethora in corpore existet, redundantia vero loca minus resistentia distentuque faciliora versus urgebitur, quælia esse genitalia fusius jam demonstravimus: hujus rei experimenta nobis dedit expertissimus quidam Anatomicus, qui, post exactam demptamque è corpore canis lienem, eum semper falaciorem observaverat, quod a majore sanguinis copia genitalia versus tendente deduci tantum queat.

Inhibitiæ familiares aliæ evacuationes: quotidianum & perrequisitum enim humorum dispendium ubi impeditur, & intra vasa coacervatur, necessario plethoram producet.

Quibus membrum amputatum ob eandem causam, ac hepaticis & lienosis, major coacervatur redundantia.

Gulæ indulgentibus augetur fluentis sanguinis copia & *fluxus* duratio protrahitur sex dies sæpe¹¹²: Conficiunt enim hæ fæminæ multum laudabilis chyli & boni sanguinis, hincque plethoræ novam præbent ansam.

Geniæ nimis indulgentibus fæminis & *otiosam* agentibus vitam valde protrahitur *fluxus* hujus duratio¹¹³, quæ enim minus cum perspirent (§. 30. lit. d.) majorem accumulabunt redundantiam (§. 30.)

§. 42.

111. De Morb. vulg.

112. Hipp. Morb. Mul. 1. 19.

113. Duret. in Holler. 253.

§ 42. Hujus *fluxus* duratio corripitur etiam *ἰδιοσυγκροσία* usive sex rerum non naturalium; quæ *mensēs* enim minuunt seu retardant, (§. 17. *naturalia*) eadem, liquet, & durationem corripient, hæc, autem redundantia seu plethora in corpore ne coacervetur magna, cum impedian.

Obesioribus corripitur *fluxus* hicce, eis enim non major nutriticis humoris nec boni sanguinis copia datur, oleo vero a sanguine secreto ita receptaculisque suis & cellulis coacervato copiosiore gaudent obefæ, quod adeousque accumulari in eis potest, ut vasa humores continentia valde comprimantur, suffocatioque tandem subsequatur; hinc humorum per vasa transfluentium minorem patet quam in macilentis esse copiam, quibus vasa libera & capaciora conceduntur, quod & *Galenus* jam olim indicaverat, macilentos enim missionem sanguinis copiosiorum ferre dicit; obefas ergo plethora non facile laborare liquido patet, ideoque eis & *fluxus* hujus duratio corripitur, quod nitide ipse nobis insinuavit magnus *Hipp.* ¹¹⁴: *si infra triduum consistet purgatio est obesitatis signum.*

Quæ exercitio multo vexantur parcius purgantur, hinc & per pauciores dies; magis enim per poros cum eliminant foras, minus necessario accumulabitur, ut toties jam vidimus, sanguis: hac de causa *Rusticæ Mulieres* fortioribus exertis induratae citius finem huic *fluxui* ponunt, pari ratione & *Cantatrices* & *Saltatrices*.

Vestra in his ne abutar B. L. patientia; intacta adhuc, quæ sub hoc capite explicanda susceperam, plurima negligendo, ad alia, rem ad umbilicum tandem ut ducamus, festinabimus.

§. 43. Uterum gerentes *menstruis* immunes ullo absque dolore observantur ¹¹⁵, dolor enim in *Mensium* suppressione est a plethora, fæmina vero prægnans nullum in vasis redundans coacervat fluidum, integrum cum in foetus usum deducatur: sunt verumtamen quæ succis repletæ primis gestationis mensibus *vestigal* per vasa, ni fallor, vaginalia solvunt, foetus dum

¹¹⁴. Morb. Mul. 1. 15.

¹¹⁵. Hipp. Nat. Puer. 1. 6.

dum tam copioso non indigeat nutrimento, vasa enim vermicularia *Ruyfch* tunc temporis naturalem suum succum tantum majore forte copia, paululumque spiciorem in foetus usum recipiunt & continent (§. 12.), ad hoc vero *menstruus* sanguis totus non impenditur, ideoque *Menses* subsequuntur.

Sed ulterioribus gestationis mensibus foetus cum plenius postulet alimentum, vasa hæc magis dilatata purum jam sanguinem admittunt, foetuique remittunt, immunes etiam eo studio plerumque *menstruis* evadunt gravidæ: quod si non fit, *fluxus* vero hicce in ultimos usque fluere menses pergit, foetus requisito & pernecessario orbatur alimento, in lucemque prodibit imbecillis admodum & valetudinarius ¹¹⁶.

§ 44. Lactantibus pari modo *menses* plerumque non fluunt, directio enim fluidorum minus resistantia loca versus semper erit, in lactantibus vero partes minus resistentes sunt mammae; totum ideo superpondium a genitalium vasorum & vicinorum, præcipue epigastricorum ramorum (§. 10.) ope, eo versus feretur; genitalia ergo pressione, quam alias patiuntur, immunia evadunt; redundans sic sanguis singulis diebus mammas versus in usus destinatos tendit, hinc nullum in cæteris corporis partibus accumulabitur superpondium: argumentum hoc Mechanicè summus *Hipp.* ¹¹⁷, tractavit; sunt nihilominus fæminæ macilentæ sanguinæque valde *vectigal* solventes simul & lactantes, vitio autem quocunque, *Menses* lactantibus si fluerent, secretum in foetus usum lac depauperatum valde & scopo non respondens erit.

§. 45 *Menses* ubi supprimuntur, plethoræ tamen effectus si non tollantur, at ita increbescant (§. 18.): superabundantis sanguinis non impeditam accumulationem ejus vero inhibitam evacuationem fuisse jure concludam; suppressio talis morbosa vel a canalium vel a sanguinis vitio derivatur, qui traditis (§. 17. *præternaturalia*) vitiantur, ea autem plethoræ accumulationem non impediunt, sunt enim:

Frigus

¹¹⁶. Hipp. Sect. V. Aph. 60. & de Morb. Mul. 1. 44.

¹¹⁷. Hipp. Nat. Puer. 21. 22.

Frigus immodicum ad inferiora, canales nempe frigore subito ubi constringantur, fibræ arctius inter se cohærebunt & renitentia sua sanguinis momentum e superant.

Mæstitia: inde solidorum inertia sanguinisque segnior propulsio, quam ad horum dilatationem requiritur, simulque tenacitatem generat: circa hæc plura quis scire cupiat, adeat *Friend Nostrium Doctissimum* ¹¹⁸.

§. 46. *Menstruus* sanguis ubi quacunque de causa (§. 17. *præternaturalia*) per loca assuetæ puta genitalia, non perumpit, hæmorrhagia nunquam non e qualibet data corporis plaga (18.) subsequitur, quod minime fieret, auctum quin fluidorum in vasa esset momentum, quod triplici de causa augetur; *rarefactione* nempe, *velocitate aucta* tandem vel *quantitate*.

Priorem sæpe jam vidimus non esse in causa: *Auctam velocitatem* neque causam esse liquet, unde nam singulis periodis religiose augeretur? hujus phænomeni intra nostram machinam vera nulla harum cum existat causa: *Quantitas* ergo continuo augetur, & plethora, pro qua contendimus, producitur, hæmorrhagias miras & per inauditas fere vias excitans.

Sanguinem per hæmorrhoides profluxisse periodice, narrat *Bonet.* ¹¹⁹.

Vicariam uterini profluvii sanguineum non infrequenter vomitum esse evacuationem memoratur ¹²⁰.

Menstrua duobus mensibus retenta ad pulmones sæpe deferuntur, ibique eandem percurrunt tragœdiam ac tabes pulmonalis ¹²¹, cujus rei exemplum *Alpini* ¹²² nobis præbet.

Ex tubis *Fallop. menstrua* profluxisse & in pelvin delata, observat *Ruysch.* ¹²³.

Clarissimus tandem modo laudatus Auctor harum mutationum varietatem in eodem subjecto vidit, primo enim, retentis

men-

¹¹⁸. Cap. IX.

¹¹⁹. Med. Sept. 36

¹²⁰ Hipp. Morb. Mul. Lib. 1. Sect. 5.

¹²¹ Hipp. Lib. 1. Sect. 5.

¹²². Med. Method. Pag. 273.

¹²³. Observat. LXXXV.

menstruis, sanguis per singula capitis puncta erumpebat, inhibita vero hac evacuatione, & purus sanguis vomitu demittebatur, dein per aures, oculos, umbilicum, mammæ &c. exitum quærebat redundans sanguis: Allata tandem, quæ pingui licet Minerva hocce specimine, leges cum hujus Celeberrimæ Academiæ, „ unde humanitas, doctrinæ, religio, „ fruges, jura, leges ortæ „, Gradum Doctorem capessere cupientem jubeant primitias sui laboris offerre, audaculus vobis hucusque tradidi, in hoc unum conspirant tantum:

Quod *naturalis* puta *catameniorum fluxus* causa efficiens duplex sit: una *Generalis*, plethora nempe, quæ cum non existat, *menses* verumtamen ob *causam peculiarem* fluunt, morbus subsequitur: hinc *naturalis* non tenetur *fluxus* ille:

Causa altera, *peculiaris* dicta, genitalium ex consideratione partium aliorumque petitur.

In his vero rem acu an tetigerim vestro B. L. judicio permitto, errata ut corrigatis, omiſſa dum suppleatis, tandem oro atque obsecro.

*Quod si deficient vires, audacia certe
Laus erit: in magnis & voluisse sat est.*

F I N I S.

ERRATA

ERRATA SIC EMENDANDA.

Pag.	Lin.	Legitur	Lege
6.	6.	& tubis	à tobis
10.	6.	quam recto ductu, si decur- rissent,	quam recto ductu si decur- rissent, (<i>absque commate.</i>)
	10.	specificæ	specificæ
12. 13. 14.		Horum iterum contenti fluidi, respectu vasorum species, varie distin- guuntur:	Horum iterum, contenti fluidi respectu, vasorum species varie distinguuntur: (<i>commatibus transpositis</i>)
14.	1.	sæpe imo contenta, nisi exprimendo,	sæpe imo contenta nisi exprimendo (<i>absque commate</i>)
	21.	subit.	subit, (<i>puncto in comma mutato.</i>)
17.	15.	qualia	sic
23.	26.	progressus	processus
	29.	tenuis	tenuius
24.	3.	id ignem	ad ignem
	9. 10.	reperus	reperies
42.	16.	secretoriorum, orificiorum;	secretoriorum orificiorum; (<i>absque commate</i>)
45.	3.	eo, perspiratio imminuebatur,	eo perspiratio imminuebatur, (<i>absque commate.</i>)
55.	17.	secretionum	humorum
	ibid.	(:)	(,)

